



सानसेयारि 'बड'सा' खरीरालाइयाव सनसेयारि जिउजो लोखा थानाय रायथाय, खन्थाय, सल', सल'बाथा आरु हावबायारि थावनि, पार्क बाइदिनि स्यायव लिउनाय लिउबिबाँ दैथाय डर/ सानसेयारि 'बड'सा' खरीरालाइया सेवखानानै फोसावगोन।

बड'सायाव लिउठरनायनि डुबा खालाम, 'बड'सा' खरी नोथां, जो बयबो आंगो खालाम।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Thursday ★ 25 April, 2024 Kokrajhar, BTC, Assam ★ Vol.- 34, Issue No. 29 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

बाक्सा आरु तामुलपुरआव धारा 144 फोसावदों

मुसलपुर, 24 एप्रिल: लकसभा बिसायख 'थि, 2024 ई माइथायनि 26 एप्रिलआव खुंजानो गोनो लकसभा बिसायख 'थिखो 43 नं तामुलपुर आरु 44 नं गरेस्वर बिधान सभा बियाबआव गोजोनै खुंफुनो थाखाय बाक्सा जिल्लानि जिल्ला बेंगिरि आरु जिल्ला बिसायख 'थि मावख 'गिरि कृष्ण बरुवा आरु तामुलपुर जिल्लानि जिल्ला बिसायख 'थि मावख 'गिरि (□ 5 बिलाइआव)

## हिन्दु-मुसलमान मोनसेल' स्लगान बे खेबआव फिन मदि सरकार : गिबि मन्थि

गुवाहाटी, 24 एप्रिल: नैथि खोलोबनि बिसायख 'थि फोसावदिनायनि जोबथा सानखालि 9 नं लकसभा बियाबनि बेंखनाव थानाय माइनरिटीजों बुंफबनाय ओन्सोल लाहरिघाट बियाबआव रोजा-रोजा माइनरिटी एबा मुसलमान राजोफोरनि नुजाथिनायाव सुेश बरानि जानानै गिबि मन्थि ७ हिमन्त बिश्व शर्मा आ बिसायख 'थि (□ 5 बिलाइआव)



## प्रिया बसुमतारिखौ जिउ फोजोबग्रा सा 5 दायनिगिरिफोरखौ दायनिफ्राय उदां फोसावबाय

सा 4 दायनिगिरिफोरा खारखुमानानै दड

काजलगाव, 24 एप्रिल: दुलाराय आसामखौनो सोमावर्गुनाय प्रिया बसुमतारिखौ जिउ फोजोबनायखौ लानानै चिरानि सेजिनेल जाजमेन्ट बिजिरसालियाव मोनसे गोनान्तर रायदान होनायखौ नुनो मोनो। बै समाव गिखंथावै एनडिएफबिआ प्रिया बसुमतारिखौ जिउ फोजोबनायखौ लोखा गोनो सा 5 दायनिगिरिफोरखौनो सेजिनेल जाजमेन्ट बिजिरसालिया दायनिफ्राय उदां होना फोसावनायखौ नुनो मोनो। जिउ फोजोबनाय दायनिफ्राय उदां फोसावजानाय दायनिगिरिफोरा जाबाय नेमब्रट बरगयारि, अनन ब्रह्म, लेबौ बसुमतारि, धनन्जय दैमारि आरु सोमखोर

बसुमतारि। मख 'नो गोनानि, बे प्रिया बसुमतारिखौ जिउ फोजोबनाय जाथायनि गाहाइ दायनिगिरि बिन्द गयारि, उरपे जि. बिदाइ, लाचिन्त नाजरी, बुद्ध मुसाहारी आरु बिन्द मुसाहारी, उरपे एम. बाथाखौ दिनेसिमबो खारखुमानानै दडहोना फोसावनायखौ नुनो मोनो। मख 'जानाय साब्रे दायनिगिरिफोरनि सोमोन्दै बुधबारआव बिजिरसालिया जेबो रोखोमनि रायदान फोसावनायखौ नुनो मोन्याय जायाखै। मख 'नो गोनानि, 2014 माइथायव बिटिइआव प्रिया बसुमतारिखौ गिखंथावै बिमा-बिफा आरु गामिनि सुबुफोरनि सिगाडवोनो गुलि गवनानै इनयै जिउ फोजोबनाय जादोंमोन। □

## लकसभा बिसायख 'थि-2024 दरं-उदालगुरि बियाबआव सा 10 बिजाथिफोरा बादायलायगोन

कलाइगाव, 24 एप्रिल: आथिखालाव हादतनाडैनो माखासे खोलोबयाव लकसभा बिसायख 'थिआ खुंजागसिनो आरु खुंनो साखा-फारा जानानै दड। बेखौ लानानैनो आसामनि नैथि खोलोबयाव खुंजानो गोनो बिफानफोर आरु दरं-उदालगुरि लकसभा बियाबआव बिसायख 'थि फोसावदिनाय हाबाफारि मेल खुंनया दिने थुंगेबाय। मख 'नो

गोनानि, फेगौ 4 जुनयाव बिसायख 'थिनि फिथाइ फोसावजानायनि सिगां फेगौ 26 एप्रिलयाव बिसायख 'थिआ खुंजागोन। बेखौ लानानै मोनफ्रोमबो राजखान्थि दोलोफोरनि गेजेराव गोसो हांखुंर जानाय बांनयाखौ नुनो मोन्याय जादों। मख 'नो गोनानि, दरं-उदालगुरि लकसभा बियाबआव बे खेबाव सा 10 बिजाथिफोरा (□ 5 बिलाइआव)

## दिल्ली एनसिआर बर' थुनलाइ आफादआ पद्मश्री बान्था मोनगिरि सर्वेस्वर बसुमतारिखौ बरायदों

दिल्ली, 24 एप्रिल: दिल्ली एनसिआर बर' थुनलाइ आफादआ 2024 माइथायनि पद्मश्री बान्था मोनगिरि सर्वेस्वर बसुमतारिखौ थांनया 23 एप्रिलखालि दिल्लीनि अशका हटेलआव लोगो हमनानै बरायो। सर्वेस्वर बसुमतारिआ आबाद आयदानि सायाव 2024 माइथायनि पद्मश्री बान्थाखौ (□ 5 बिलाइआव)



## पल्ला दैमायाव सासे आइजोनि गोथै देहा बोखांदों

भबानिपुर, 24 एप्रिल: सालबारि महकु मानि भकुवामारिनि पल्ला दैमायाव गोजावनानै थानाय थासारियाव सासे आइजोनि गोथै देहा बोखांनो मोन्याय जाथायखौ लानानै ओन्सोलनाडै नो गिखान्याय थासारि सोमजिनयाखौ नुनो मोनो। मख 'नो गोनानि, (□ 5 बिलाइआव)

बरबरियाव सासे लाइमोनखौ जिउ फोजोबदों



मुसलपुर, 24 एप्रिल: बाक्सा जिल्लानि बरबरि पुलिस थानानि बेन्दोंआव थानाय पाखामाराव थानाय मंगलबारनि मोनाबिलियाव खोमसिनि खाबु लानानै सासे लाइमोनखौ (□ 5 बिलाइआव)

## समुवागातिआव जिएसपिआ बिसायख 'थि फोसावदिंदों अ-बर' राइज्योनि जानानै खामानि मावगोन: बिनिता देका

सालबारि, 24 एप्रिल: 10 बोसोर कक्राझार बियाबनि एमपि महरे बिसायख 'जानाय नव कुमार सरनियाआ बे खेबनि 2024 माइथायनि लकसभा बिसायख 'थियाव बिजाथिलाइ नेवसिजानायनि उनाव फिन खौरंगिरि मेल खुंफिनानै फोसावनाय गन' सुरक्षा पार्टिनि बिजाथि बिनिता देकाखौ



लाफानानै बिसायख 'थि फोसावदिनाय हाबाफारियाव मुखुव जानानै थानायखौ नुनो मोनो। कक्राझार संसदआरि बियाबनि बेंखनाव थानाय बाक्सा जिल्ला सालबारि महखुमानि समुवागातिआव बिसायख 'थि फोसावदिनायनि थांखिजों बिजाथि बिनिता (□ 5 बिलाइआव)

## बर'-अबर'नि फारागथिजों बिटिसिआ माल्लाबाबो जौगाया, 3 लाखनि फारागथियाव जयन्त बसुमतारिआनो देरहासारगोन: चन्दन

कक्राझार, 24 एप्रिल: 1 नं कक्राझार लकसभा बियाबआव थांनया 10 बोसोरव सोलिबाय थानाय हरियारि फारागथिनि राजखान्थिया बे समाव जोबनायनि लामायाव होना गोदानै इउपिपिएलआव हाबफेनाय मोनसे समनि बिपिएफनि गोहो गोर दैदेनिगिरि एबा बाराग' मन्थि चन्दन ब्रह्मआ फोरमायदों। दिने कक्राझार जिल्लानि पर्वतझर महखुमानि बासबारिआव कक्राझार लकसभा



बियाबनि इउपिपिएलनि एबा एनडिएनि हेफाजाब होजानाय बिजाथि जयन्त बसुमतारिनि जानानै बिसायख 'थि

फोसावदिनायाव बाहागो लानानै बाराग' मन्थिआ कक्राझार (□ 5 बिलाइआव)

## मे दाननि जागाय जेन्नायावनो एडस एसनि जोबथा आन्जादनि फिथाइखौ फोसावगोन: रनज पेगु

गुवाहाटी, 24 एप्रिल: फेगौ मे दाननि गिबि सप्ताहआवनो गोजौसिन गेजेरारि फरायसालिनि जोबथा आन्जाद एबा एडसएस आन्जादनि जोबथा फिथाइखौ फोसावनाय जासिगोन होना राइज्योनि सोलेंथाइ मन्थि ७ रनज पेगुआ फोसावनायखौ नुनो मोनो। थांनया 20 एप्रिलआव गोजौ फरायसालिनि जोबथा आन्जादनि फिथाइखौ



फोसावखानायनि उनावो गोजौसिन गेजेरारि सोलेंथाइ फरस्थानआ जोबथा बोसोरनि

आन्जादनि फिथाइखौ फोसावनो थाखाय साखा-फारा खालामबाय थानाय समावनो दिने सोलेंथाइ मन्थिआ मे दाननि गिबि सप्ताहआवनो फिथाइखौ फोसावगोन होना फोरमायनायाव लाख-लाख आन्जादल होगिरिफोरा गोसोआव गोबां मिजिं लानानै नेनानै दड। नोजोर होनो गोनो (□ 5 बिलाइआव)

## दरं-उदालगुरि बियाबनि बिजाथि दुर्गा दास बर'नि थाखाय हाग्रामा महिलारीनि बिसायख 'थि फोसावदिं हाबाफारि

सुक्लाइसेरफां, 24 एप्रिल: फेगौ 26 एप्रिलआव खुंजानो गोनो लकसभा बिसायख 'थिनि थाखाय बिसायख 'थि फोसावदिनायनि दिने जोबथा सानमोन। हादत आरु आसामनि गुबुन गुबुन बियाबफोरजों लोगोसे बिटिआरनि सिडाव थानाय दरं-उदालगुरि बियाबनि (□ 5 बिलाइआव)



## न'नि उसुडवनो थैजों लुथुर-फुथुर थासारियाव गोथै देहा बोखांदों

भबानिपुर, 24 एप्रिल: बाक्सा जिल्ला सालबारिनि गवर्दना पुलिस थानानि बेंखनाव थानाय बंसिबारि गामिनि बाबुलाल हरिजन (38) मुनि सासे लाइमोननि गोथै देहाखौ थांनया मोन्याय काटझार गामियाव लुफुंयाव थानाय मोनसे न'नि उनथिजाय सोमोन्थावै जिउ गैवे (□ 5 बिलाइआव)

धुबुरिआव प्लाइं स्कवाडआ 2,50,000 रां बोखांनो हादों

धुबुरि, 24 एप्रिल: बे समाव हादतआव रजखान्थिनि बारहावा सोलिगासिनो दड। बे समाव हादतनि गुबुन ओन्सोलनिफ्राय प्लाइं स्कवाडनि हान्जाया गोबां बिबानि रां हमनो हानायखौ नुनो मोनो। बेनि गेजेरावनो धुबुरिनि सागलियाव प्लाइं स्कवाडनि नायबिजिरसनायाव 2,50,000 रां बोखांनो हानायनि खौरं मोन्याय जादों। बे रांखौ प्रसेन्जित चक्रवर्ति मुनि सासे सुबुनिफ्राय (□ 5 बिलाइआव)

## बि.टि.आर गोरोबथानि उनाव बड'लेण्ड ओन्सोलाव सोलेंथाइनि थासारिया गोबां जौगादों: अबित नार्जारि

कक्राझार, 24 एप्रिल: बड'सा गोजौ फरायसालिया दिने फरायसालिनिफ्राय देगलाइनि मेट्रिक आन्जादआव सा 26 सेथि थाखो, सा 29 नैथि थाखोआव आरु थामथि थाखोआव सा 1 उथिसार जानो हानाय फरायसाफोरखौ सानसेनि मेहेर गोनो हाबाफारिजों बरायदों आरु मान बाउदों। बड'सा गोजौ फरायसालिनि गाहाइ फोरोंगिरि लचन चन्द्र बसुमतारिआ मासि लानानै



दैदेन्याय हाबाफारियाव आलासि महरे बाहागो लायो हांखायनाय लेखायै गाहाइ मिह एबसुनि बुंथिगिरि अबित

नार्जारिआ। हाबाफारियाव बाहागो लानानै बिथाड एबसुआ सोलेंथाइनि सायाव गोलाउ सम खामानि मावनाय, गुन गोनो सोलेंथाइ, समाजारि थासारि आरु जिउ राहा दानायनि सायाव गुवारै बिबुंथि लाखिनानै बि.टि.आर गोरोबथानि उनाव बड'लेण्ड ओन्सोलाव सोलेंथाइनि थासारिया गोबां जौगादों होनानै फरायसाफोरखौ जेसे (□ 5 बिलाइआव)

## गिखंथाव अर खामनायजों गं 10 निफ्रायबो बांसिन दखानफोरा सेवहांगार

गसाइगाव, 24 एप्रिल: गसाइगावआव गिखंथाव अर खामनाय जाथायजों गोबां कौटि रॉनि सम्पति खहा जादों होना खौरं मोन्याय जादों। मख 'नो गोनानि, बे गिखंथाव अर खामनाया गसाइगावनि गुबै बाजारआवनो जादों। मोनाबिलिनि 11:40 रिगासो समाव बे अर खामनाया जादोंमोन। दसे समनि गेजेरावनो अर खामनाया गिखंथाव महर लायो आरु गोबां दखाननि न'फोरानो अर खामनानै सेवहांगार जानो गोनो जायो। बे जाथायाव गसाइगाव गुबै



बाजारनि गासै गं 10 निफ्रायबो बांसिन दखानफोरा खहा जानादों होना मिबथिनो मोनो। राइजोफोरा अजद होनाय बायदिब्ला, अर खामनाय (□ 5 बिलाइआव)

## सुजुगिरिनि खोलोम

## मिथिंगायारि गोगो आबहावा सोमखै लाखिनाय

हाग्रायानो जिब -जुनात, दावसिन-दावलानि गाहाय आरो गुबै थावनि। थाना थानायनि गुदि राहा आरो फुंखा। सुबुं जिउ आरो मि-जुनातनि एंगारहायै लोगो। बिफां-लाइफां, हाग्रामानि अनगा जिउ-जुनात, दावसिन-दावला थानानै थानांगौया गोब्राब। बिफां-लाइफां, हाग्रामा ओन्सोल जोबसांलानायनि बिजाउन महरै दिने अबथिरा दै बाना, अबथिरा खरं, बाइदिसिना मिथिंगायारि अलखद खैदां-खैफोद नुजाथिनारयनि गुबै जाहोन होनानै बुंनगोन। हाग्रामा जोबसांलानायनि थाखायनो दिने बोथोर सोलायाजासेनो दुंखावनाय, गोजाहाबनाय बाइदि जाहोनजों मोगा मोगि जानादों सुबुं माहारिया। हाग्रामा जोबसांलानायनि जाउनावनो मोनो थाडै जिब-जुनात, दावसिन-दावला गोमालानायजों लोगोसे बेसेन बह्म दंफां-लाइफांफां जोबसांलानै बालाहामानि महर लानो हमादों। बिफां-लाइफां, हाग्रामानि गुबै बाज्यालुखौ ओनसोलनि राइजो-राजाफ्रा गुबै मिबथिनो हायै राहा आरो बेनि बाज्यानायखौ हमादों हायैनि थाखायनो हाग्रामा ओनसोला सानफा- एफा जोबसांलानानै दिने बालाहामानि महर लानो हमादों। जाउनाव बोसोरफ्रोमबो मिथिंगायारि अलखद नुजाथिनाय आरो खहा लाबोनाया जाफ्लायाबाय थानो मोन्दों।

मिथिंगायारि अलखद आरो बेनि आबहावा थाथायखौ जोगोरै आरो गोगो लाखिनांगौब्ला बिफां लाइफां आरो हाग्रामा ओनसोलखौ सोमखै लाखिनांगौया बयनिबो मावनां गाहाय बिबानफोरनि गेजेराव मोनसे। मिथिंगायारि धोन आरो आबहावानि थाथायखौ गोगो लाखिनायनि थाखाइनो गोवां समाव बाइदिसिना हाबाफारिनि गेजेरजों एन.जि.अ.निफ्राय लानानै सरकारि मावफारि आरो हाग्रामा बिफानफोरनिफ्राय सेमिनार सावराय मेल. रेलि खुंबोनाय जादों- राइजो-राजा नोगोरारिफोरखौ हाग्रामा सैरैखाथिनि फासें सांपां लाबोनायनि थागिदायाव। हाग्रामा ओनसोलखौ अराय सोमखै लाखिनायनि थागिदायावनो राइजोयाव बोसोरफ्रोमबो से जुलाइनिफ्राय बन महत्सब फालिबोनाय जायो। बे हाबाफारिजों लोब्ला लाखिनानैबो बि टि सि खुंथायनि बे बिफानाबो ओनसोलनि अरनबारी, हाग्रामा ओनसोलखौ सैरैखाथि होनानै सोमखोरै लाखिलानानै आबहावानि थाथायखौ गोगो आरो जोगोर खालामनायनि थांखि लायो। बिफां-लाइफां गायनानै सोमखै खालामनो राष्ट्रीय विकास योजनानि गेजेरजों रं अनसुंथाय होनानै ओन्सोलनि लाइमोनफोरखौ थुलुगाखांहोनाया थारैनो बराथाव हाबाफारि। बेफोर हाबाफारिनि गेजेरजोंबो ओनसोलखौ बिफां लाइफां ग्रोम-ग्रोम सोमखै खालामनायनि हाबाफारि इयुनाव बि टि सि खुंथाय आरो बिफाना राहा लालाडोब्ला जोबसांलानै लाथिया महर लानाय बि टि सिनि हाग्रामा ओन्सोला सोमखोरै महर लाफिनो गोबाव सम नानाय नडा। लोगोसे आबहावानि थाथायबो गोगो आरो रोजोब जागोन होनानै मिजिं थिनो हागौ।

## दिनेनि फान्जामुथि

## राशि बाइदियै मुनि गिबि हांखो

मेघ : अ ल बूष : ऊ ब (उ ए इ) मिथुन : क छ (ड ङ)  
कर्कट : ड ह सिंह : म ट कन्या : प ट (ण ष)  
तुला : त र बृश्चिक : ब न धनु : ध ध (ढ फ)  
मकर : ख ज कुम्भ : ग श (स) मीन : द च (ख ज झ)

**मेघ:** लोगोनफ्राय माबाफोर हेफाजाब मोनो हागोन। लोगोन सोमोन्दोआ गोर जागोन।

**बूष:** जेबो जेना गैयै शान्तिथै थानो हागोन। फारफ्रोमबो मोजां। गोजोन मोनगोन।

**मिथुन:** जेबो खामानि मावनो गोसो जायै अलसिया जानो हागौ। सानाया मोनसेबो जाफुनाय नडा।

**कर्कट:** नख 'रव गोजोनाय गैयै दावरव-दावसि जानो हागौ। गोसोखौ हमाथा।

**सिंह:** बबेबा गोजोन जायगायाव दावबाय हैनो मोनो हागौ। गोसोखौ गोजोन मोनगोन।

**कन्या:** मोजां मोनलायनायाव अनलायनाय फैगोन। दौलेंआ गोर जागोन। मोजां सान।

**तुला:** गावखौनो गाव समाइना खालामनानै लानो हागोन। बयजोंबो अनसाय जानो मोनगोन।

**बृश्चिक:** माबाफोर बेरामआव गोल्बेबायनो हागौ। देहा-सावस्त्रिखौ गाहामै लाखि।

**धनु:** माबा मोनसे खामानि मावनायनि फिथाइफोर मोनो हागौ। मुलाम्फा जागोन।

**मकर:** मानिबा थाखाय जिगा सिनानो हागौ। गोसोखौ लोरबां लानो नाडा।

**कुम्भ:** जेखि जाया खामानिखौनो सानै-हयै मावनाया गाहाम। गोसोखौ हमाथा।

**मीन:** पुंनफ्राय सानसेसिमाव शुभ सम नडा। मोनाबिलिनि 10:00 रिगानिफ्राय शुभखौ मोनो हाफिनगोन।

## दर 9 राइज्योफोराव गोख्रों बिदुंजों सुबुंफोरा जेनायाव गोग्लैदों

गोदान दिल्ली, 24 एप्रिल: हादतनि बांसिन बाहागोफोराव गोख्रों गरम जानो हमादों। बोथोर बिफाननि बायदिव्ला, गंगा दैमा सेर सोनाब बंग, आफां हिमालय सोनाब-बंग, बिहार, उरिष्या, उत्तर प्रदेश, झारखान्ड, अन्ध्र प्रदेशनि बोरिमा, यनाम, रायलसिमा, तेलेंगाना, कर्नाटकनि गुबुन गुबुन बाहागोफोराव 27 एप्रिलसिम दुंहाव बार बारनायनि आसा फोरमायदो। उरिष्याआव 15 एप्रिलनिफ्राय आरो गंगा दैमा सेर-सेर सोनाब बंगयाव 17 एप्रिलनिफ्रायनो दुंहाव बारहावा बादों। फासेंथिं फेगौ सानबानि गेजेराव सान्जा भारत आरो खोला द्वीप हान्जायाव दुंहाव बारहुंखा बारगोनखौ हमादों। बोथोर बिफाननि बायदिव्ला, थानाय 24 घन्टानि समाव इउपनि बुलन्द शहरआव मेक्सिमाम बिदुंखौ 42 डिग्री सेल्सियास



मोन्नाय जादों। फासेंथिं पुयागरजआव 41.6 कानपुरआव 41.2 आरो बस्तीआव 41 डिग्री सेल्सियास मोन्नो हायो। उरिष्या, सोनाब बंग, तामिलनाडु, तेलेंगाना आरो अन्ध्र प्रदेशनि गुबुनल गुबुन बाहागोफोराव मेक्सिमाम बिदुंआ 41-45.5 डिग्री थिसनो मोनो। गुबुन फासेंथिं माखासे राइज्योफोराव अखा हानायजों सुबुंफोरा बिदुंनिफ्राय रेहाय मोन्दों। बोथोर बिफानआ 26 एप्रिलनिफ्राय मोनसे गोदान

सोनाब नारसिन्हाइआ सा-सोनाब भारतआव गोहोम खोख्लैनो हागौ। फेगौ 26-27 एप्रिलआव जम्मु-काश्मीर, हिमाचल प्रदेश, उत्तराखान्डआव खम बिबानि बरफ गोल्नो हागौ। बे समावनो पान्जाब आरो हरियाणायाव अखा हानायनि आसा दड। मा हरियारि राजधानियाव मंगलबारखालि गोख्रों बार बारो आरो माखासे ओन्सोलफोराव गेसें आखाबो हायो, जायजों सुबुंफोरा गरमनिफ्राय रेहायबो मोनो।

## मनिष सिस'दियाआ दिने राउज एभेन्सु कर्टआव नुजाथिगोन



गोदान दिल्ली, 24 एप्रिल : दिल्लीयाव गोब्राबै जौनि गेना-खाथि केसआव आगुनि डिप्टी सिएम मनिष सिस'दियाआ दिने राउज एभेन्सु कर्टआव नुजाथिगोन। सिस'दियानि बिजिरनायनि जिम्माया दिने जेबना थांसिगोन। बेरफारसे, कर्टआव सिबिआइनि चार्डिश्टिनि सायाव दिने हियायि जागोन। बेयाव दायनिगिरिफोरनि सायाव दाय थि खालामनायखौ लानानै दान्थे-बिदान्थे जागोन। बेनि सिगां कर्टआ आम आदमी पार्टीनि दैदेनगिरि मनिष सिस'दियानि जामिननि आर'जलाइफोरनि सायाव शनिबारखालि गावनि बिथोनखौ रैखाथियै लाखियो। सिबिआइ आरो इडिनि जर'खा बिजिरिगिरि काबेरी बबेजाया

मिरुआरि नायबिजिरग्रा एजेन्सिफोर आरो सिस'दियानि उकिलनि दलिलफोरखौ खोनासनायनि उनाव गावनि बिथोनखौ फेगौ 30 एप्रिलनि थाखाय रैखाथियै लाखियो। आम आदमी पार्टीनि दैदेनगिरिया लक सभा बिसायख'थिनि थाखाय फोसावदिं खालामनायनि मोननै केसफोराव इन्टारिम जामिन आर'ज लाइबो थिसनो। आथिखालाव सिस'दियानि उकिलआ शनिबारखालि बिजिरसालिनो फोरमायोदि, नेम-खाथि बायदियै जामिननि आर'जलाइनि सायाव थांखिखौ रैखाथियै लाखिनायनि जाहोनाव बे आर'ज लाइया थाबथाना थायो। सिबिआइ आरो इडिनि दाय जाबसिननाय बायदिव्ला, दिल्ली आबकारि नेम-

खाथिखौ सोमोन्दो लाखिनाय समाव खालामनाय लाइसेन्स बाहायगिरिफोरनो मोजां मुलाम्फा होनाय जादों। लोगोसे लाइसेन्सनि टेक्सखौ निमाहा एबा खम खालामना होयो आरो अटरिदिनि गनायथि गैया जासे लाइसेन्स होयो। सुलुडाव फोरमायनाय बायदिव्ला, सिबिआइआ मनिष सिस'दियानो जौ गेना-खाथि केसआव गोब्राब बिफाव लानायनि थाखाय 2023 नि 26 फेब्रुवारीयाव ग्रेप्टार खालामदोंमोन। इडिया सि सि बि अ इ नि नायबिजिरनायनिफ्राय मोन्नाय मानि लन्ड्रू केसआव सिस'दियाखौ थानाय 2023 नि 9 मार्चआव ग्रेप्टार खालामदोंमोन। सिस'दियाआ 2023 नि 28 फेब्रुवारीयाव दिल्ली मन्थि आफादनफ्राय बिबान एंग्लायदोंमोन। बे केसआव गिबि मन्थि अर्भिन्द के जरिवालआबो ग्रेप्टार खालामजाखांबाय। बिथामोनजों लोगोसे आप दैदेनगिरि भिजय नायर आरो एमपि सन्जय सिंहआबो ग्रेप्टार खालाम जादों। आथिखालाव सन्जय सिंहआबो उनाव जामिन मोनो।

## आरबिआइआ कणार्क आर्बान क-अपारेटिभ बेंकनि सायाव होबथादों

गोदान दिल्ली, 24 एप्रिल : भारतीय रिजर्व बैंकआ थानाय मंगलबारखालि महाराष्ट्रनि उल्हासनगरआव थानाय डि कणार्क आर्बान क-अपारेटिभ बेंकआव रं दिहुन्नायजों लोगोसे माखासे होबथानाय जाबसिनाय होदों। बेंकआव बे होबथानायखौ बिसेरनि रांखाथियारि गात्रि थासारिखौ नोजोर होनानै जाबसिनाय जादों। डिआइसिजिसिनिफ्राय गावनि ज'मा जानानै थानाय रांखाथिनि गेजेराव 5 लाख रंसिमनि जमा बिमा रांखाथिखौ मोन्नायनि मोन्थाइ थागोन। कणार्क आर्बान क-अपारेटिभ बेंकआव नेम-खाथि 1994 नि आर्टिकल 35 एनि गेजेरजों होबथानायखौ थानाय 23 एप्रिल (मंगलबार) फालांगिखौ बन्द' खालामनाय जादों। होबथानाय जाबसिना हानायजों लोगोसे बेंकआ



आरबिआइनि गनायथि गैया जासे जायखिजाया रिणखौ गनायथिनो हानाय नडा। बेयाव रावबो इन्भेस्टमेन्ट खालामनो हाया। मिरुआरि बेंकआ बुं'बावदोंदि, बेंकनि आथिखालनि रांखाथियारि थासारिखौ नोजोर होनानै गासै एकाउन्टफोर एबा सोलिबाय थानाय एकाउन्ट आरो जमा खालामग्राफोरनि बबेबा गुबुन एकाउन्टआव गासै जर'खा रांखाथिनिफ्राय जायखिजाया रांखाथिखौ दिहुनो थाखाय

गनायथि होनो हाया। नाथाय रिणफोरखौ होफिननो गनायथि होनाय जादों। आरबिआइआ बुं'बावदोंदि, रिण लाग्राफोरनि सायाव होबथानायखौ बेंकिं लाइसेन्स होबथानाय महरै साननो हाया। मानोना बेंकआ गावसोरनि रांखाथियारि थासारियाव साबसांजासेयाव होबथानायफोरजों लोगोसे बेंकिनि खामानि दामानिफोरा सोलिबाय थागोन। आरबिआइआ माखासे बेंकफोरनि सायाव होबथादों।

## सिएम जगन महन रेडडीनि बिबुंथियाव सोलेंथाइ मन्थिनि मेगनआव मोदै

भिशकापाट्टनम, 24 एप्रिल : अन्ध्र प्रदेशनि सिएम वाइएस जगन महन रेडडीआ भिशकापाट्टनमआव थानाय मंगलबारखालि 'मेमन्था सिद्धम यात्रा' नि समाव मोनसे सभा खालामो। बेयाव बिथांजों लोगोसे राइज्योनि इजुकेशन मिनिस्तर आरो पार्टीनि गागि दैदेनगिरि बत्चा सत्यनारायणआबो जौसांआव बाहागो लाफादोंमोन। बे समाव गिबि मन्थि वाइएस जगन महन रेडडीआ मोनसे दुखु नांथाव बिबुंथि होयो। जायजों राइज्योनि सोलेंथाइ मन्थि आरो गागि दैदेनगिरि बत्चा सत्यनारायणनि मेगनाव मोदै गयो। बे समनि सावगारिया के मेरायाव सेबखांजायो। सत्यनारायणनि सोमोन्दैयै बुंनानै गिबि मन्थि रेडडीया बिथांखौ बिफाजों रुजुनानै जोबोद बाखायदों। बेनि उनाव गिबि मन्थिया बुडोदि,



सत्यनारायणआ आनि थाखाय बिफाजों समान। आं दासिमबो बिथांखौ मान होयो। बे सोदोबफोरा सत्यनारायणनि मेगनाव मोदै गहोयो आरो बियो दुखु जानो हमा। बे समाव सत्यनारायणखौ गावनि मेगननि मोदैखौ होबथानो नाजानायखौ नुनो मोन्दों। खौरांनि बायदिव्ला सत्यनारायणआ थानाय 2015 सिम कंग्रेसनि दैदेनगिरिमोन। बे बोसोरनिनो 7 जुनआव वाइएसआर कंग्रेसआव हाबो। बिथाड थानाय 2019 नि 8 जुननिफ्राय 2022 नि 7

एप्रिलसिम अन्ध्र प्रदेशआव मिडनिसिपाल बर्ड खुंथाइ आरो सहरारि जौगाखांनि आगुनि केबिनेट मन्थि महरै गावनि सिबिथाइखौ होयो। बेनि गेजेरजों सभानि समाव गिबि मन्थि रेडडीया बुं'बावोदि, भिशकापाट्टनम, जायखौ डेस्टिनि सहर बुंनाय जायो। बियो थाबैनो अन्ध्र प्रदेशनि डेस्टिनि जागोन जेब्ला बे सहरनिफ्राय खामानि मावनाया जागायगोन। सुलुनि बायदिव्ला भिशकापाट्टमखौ अन्ध्र प्रदेशनि राजथावनि खालामनो थांखि होदों।

## गिबि मन्थि केजरिवालआ फेगौ 7 मेसिम जेलावनो थागोन



गोदान दिल्ली, 24 एप्रिल : दिल्ली जौ गेना खाथिनि केसआव गिबि मन्थि अर्भिन्द केजरिवालनि जेनाया बादों। कर्टआ बिनि बिजिरनायनि जिम्माखौ 7 मेसिम बांहोदों। अदेबानि फेगौ 7 मेयाव कर्टआव नुजाथिगोन। बिजों लोगोसे कर्टआ के कवितानि बिजिरनायनि जिम्माखौबो बांहोदों। अर्भिन्द केजरिवालआ 23 एप्रिलाव जेलनिफ्राय भिसिनि गेजेरजों बिजिरनायनि जिम्मा जोबनायनि उनाव कर्टआव नुजाथिदोंमोन। सुलुडाव फोरमायनाय

इन्सुलिन होयाखै। बे सौंथिनि उनाव केजरिवालनो गिबि खेब इन्सुलिन होयो। जेल खुंथाया आम आदमी पार्टीनि गासै दायफोरखौ नेवसिगारनानै केजरिवालआ गाहामैनो दड होन्ना बुडो। सुलुनि बायदिव्ला जेलाव जोबथेजानाय गिबि मन्थि केजरिवालनि सुगार लेभेला आ लास्त्रियै बांगसिनो दडमोन आरो गिबि मन्थि केजरिवालनि सुगार लेभेला 320 सिम सौहैदोंमोन, जायनि उनाव बिनो इन्सुलिन होनाय जायो। बेनि सिगां थानाय समबारखालि गिबि मन्थि केजरिवालनि आर'जखौ कर्टआ नेवसिगारो, जेराव बुंदोंमोनदि, सानफ्रोमबो 15 मिनिट भिडिय कन्फेन्सजों बियो गावनि देहा फाहामगिरिनिफ्राय बोसोन लानो थाखाय गनायथि होनो दाबि दैखांदोंमोन। नाथाय केजरिवालनि बै आर'जलाइखौ कर्टआ नेवसिगारदोंमोन।

## इराननि हादतगिरि आरो पाकिस्ताननि सान्थि गाहाइया बर्डरनि सायाव सावरायदों

इस्लामाबाद, 24 एप्रिल : इराननि हादतगिरि इब्राहिम रइसिया पाकिस्तानआव सान्थामनि थाखाय दावबायदों। हादतगिरि रइसिनि बे दावबायनाया इरान आरो पाकिस्ताननि फारसेनिफ्राय गावजों गाव गोब्राबै उतखारिफोरनि केम्पफोराव उरां जाहाजजों गाग्लोबनायनि माखासे दान उनाव जायो। बेनि गेजेरजों इराननि हादतगिरि इब्राहिम रइसि आरो पाकिस्ताननि सान्थि गाहाइ जेनेरेल असिम मुनीरआ ओन्सोलारि गोजोन दिदोमथि आरो सिमना रैखाथिनि सायाव सावरायदों। पाकिस्तान सान्थिनि मिडिया ब्रान्स'इन्टर-सांथिसेज पाब्लिक रि्लेशन्स' (आइएसपिआर) आ फोरमायोदि, जेनेरेल मुनिरआ इराननि हादतगिरि रइसिजों लोगो हमनानै उतखारिफोरनि हँथायै साबसिनै नायबिजिरनाय गोनांथिनि सायाव जर होयो। जेनेर मुनिरआ पाकिस्तान इरान बर्डरखौ गोजोन आरो लोगोनि



सिमना होन्ना फोरमायदों। जेनेरेल मुनिरआ उतखारिफोरखौ दरनै न'सुंसे हादतफोरनि गेजेराव बिदा-फंबायनि गोजाम सोमोन्दोफोरखौ अलखदआव खोख्लैनायखौ होबथानो थाखाय सिमनायाव साबसिन समाथिखौ गोनांथि होदों। रइसिया थानाय 8 फेब्रुवारीयाव जानाय सरासन्हा बिसायख'थिनि उनाव पाकिस्तान दावबायग्रा बबेबा हादतनि गिबि हादतगिरि। इराननि हादतगिरिया थानाय मंगलबारखालि फुडाव लाहरनि उल्लामा इकबाल हरिमायारि उरां जाहाज

गाथोनाव सौहैयो, जेराव पान्जावनि गिबि मन्थि मरयम नवाजआ बिथांखौ बरायो। गुबुन हादतयारि मावख'या सिगाडव बुंदोंमोनदि, रइसि लाहर आरो कराची दावबायनायजों लोगोसे ओन्सोलारि दैदेनगिरिफोरजों लोगो हमगोन। पाकिस्ताननि गाहाइ मन्थि शहवाज शरिफआ थानाय समबारखालि इराननि हादतगिरि इब्राहिम रइसिजों लोगो हमनानै राजखाथियारि, रांखाथियारि, फालांगि आरो हारिमुयारि थाखायव दरनै हादतनि सोमोन्दोफोरखौ बांहोनाय राहाफोरनि सायाव सावरायदोंमोन।

## ममता बेनार्जीआ सिएएखौ आखाय होनो साहज खालामनोबो हाया: अमित शाह

कलकाटा, 24 एप्रिल : मिरुनि नख'र मन्थ्र अमित शाहया मंगलबारआव सिएएखौ हेंथा होनायनि थाखाय सोनाब बंग'नि गिबि मन्थ्र ममता बेनार्जीनि सायाव गोखौ रावजो गाग्लोबनाने दाबि दैखांदोदि, बिथां आरो कंग्रेसआबो सिएएखौ आखाय होनो साहज खालामनो हाया। रायगन्ज बिसायख'थि बियाबनि करनधियाव मोनसे रेलि हाबाफारियाव बिबुंधि लाखिनाने मन्थ्र शाहया फरायसालि थिसन्थाइ गेनाखांथिजो लोगोसे गेनाखांथिनि आयदाफोरखौ लानाने टिएमसिजो दैदेनजानाय सोनाब बंग सरकारनि सायाव गोखौ रावजो गाग्लोबो आरो बुडेदि, बिजेपिआल' सोनाब बंगआव टिएमसिआ सोलिहोनाय गेना-खांथि आरो काट मानि हारिमुखौ फोजोबनो हागौ। बिजेपिया सोनाब बंग'आव मोन 35 लक सभा मासि देरहानायनि थांखि लादो आरो बेखौ मोनफुनो हायोब्ला, टिएमसिनि गुन्दाफोरखौ



उल्था दिन्दाहोनाय जागोन आरो गोथो लामायाव लोबोगोन। कंग्रेसनि दैदेनगिरिफोरा होनाय खुंथायाव फेयोब्ला, सिएएखौ केन्सेल खालामगोन' बिबुंधिनि सायाव शाहआ बुडेदि, कंग्रेस आरो ममता बेनार्जीआबो सिएएखौ आखाय होनायनि साहज गैया। ममता बेनार्जीआ सिएए, 2019 खौ मानो हेंथा खालामगोसिनो? मानोना बेजो हिन्दु रिफिउजिफोरा नोगोरारि मोन्थाइखौ मोन्नायाव मदत मोननो हागोन, जायखौ बिसरो साबजानाय मोनाखै। उल्थायै सोनाब बंगआव हाबना

थाफैग्राफोरखौ बिसोर हेफाजाब होगासिनो। नाथाय आंगो हिन्दु रिफिउजिफोरनि नोगोरारि मोन्थाइ मोन्नागोखौसो बिसरो हेंथा होदो। मख'जाथावदि, बावैसो सिगां गिबि मन्थ्र ममता बेनार्जीआ दाबि दैखांदोमोनिदि, जुदि बेरेखा जुथाइ पार्टी इन्डियाआ खुंथायाव फेयोब्ला जेराव माहारियारि थाखोयाव टिएमसिनिबो मोनसे बाहागो दड। बेनि गेजेरजो बिसरो संसदआव मोनसे गोदान आइन लाबोनाने सिएएखौ केन्सेल खालामगोन। मिरु सरकार थांनाय दानाव सिएएखौ हादतआव गोहोम गोनां खालामदोमोन।

गोदान दिल्ली, 24 एप्रिल : मुलुगनि मुंदांखा टेक कम्पनी गुगोलनि फारसेनिफ्राय इजाइलनो टेकन'लजि होनायखौ हेंथा होनायनि सायाव कम्पनीया आरोबाव सा 20 मावसुमाफोरखौ साखिनिफ्राय दिहुन्दो। मावसुमाफोरनि गुपआ बुंनाय बायदिब्ला बे केसआव गुगोलआ दासिमाव 50 निखुइ बांसिन मावसुमाफोरखौ दिहुनखांबाय। बियो प्रजेक्ट निम्बासनि सायाव फकस्ट गुगोलआव गुलु-गुजुनि गोदान इसार होयो। इजाइल सरकार क्लाउड कम्पिउटिं आरो आर्टिफिसियल इन्टिलिजेन्स साभिसेज होनाय थांखिजो गुगोल आरो एमाजननि थाखाय बे बिथांखिनि सायाव थांनाय 2021 आव मुंसाइदोमोन। गाजायाव सोलिबाय थांनाय दावहानि गेजेरजो गुगोलनि निउयार्क आरो केलिफोर्नियानि सनिभेलआव थांनाय मावख'फोरनि सायाव



मावसुमाफोर थांनाय सप्ताहयाव दाबि दैखाडो। बेनि उनाव आथिखालाव कम्पनीया पुलिसखौबो लिंदो। जायफोर धर्ना होगिरिफोरखौ ग्रेप्टार खालामदो। धर्नाखौ खुंगा

आफादआ बुडेदि, कम्पनीया थांनाय सप्ताहयाव 30 मावसुमाफोरखौ दिहुन्दोमोन। थांनाय खेबआव गुगोल चिफ सुन्डर पिचाइआ बुंदोमोनदि,

अफिसारफोरनि गेजेरव बे बायदि धर्ना होग्राफोरनो गनायथि होनो हाया। बेराफारसे गुपआ फारागथि दिन्थिग्राफोरनो जेबो टेकन'लजि होनाडा होन्ना

दाबि दैखागोसिनो दड। बेनि उनाव थांनाय मंगलबारखालि गुगोलआ गासै सा 20 मावसुमाफोरखौ दिहुनबावयो। धर्ना होनायनि थाखाय दिहुनजानाय मावसुमाफोरनि अन्जिमाया गासै सा 50 जाहैबाय। गुगोलनि सिक्किउरिदि चिफ क्रिस रेकआ धर्ना होग्राफोरखौ सोखारिनाने बुंदोदि, मावसुमाफोरनि बे आखुआ गनायजाथाव नड। बेजो लोगो मावसुमाफोरा अलखद मोन्दाडो। प्रजेक्ट निम्बासआ इजाइल गभर्नैन्ट आरो बिसोरनि आर्मीफोरनि मोनसे क्लाउड कम्पिउटिं प्रजेक्ट इजाइल सरकार बेनि थाखाय गुगोलजो लोगोसे 1.2 आर'ब डलारनि रदाय खादो।

## डिआरडिआ साखिफोरनि थाखाय साबजाथाव रेजे बुलेट पुफ जेकेट खालामदो

गोदान दिल्ली, 24 एप्रिल : भारतयारि साखिफोरनि गोहोआ लांथिथै बांगसिनो दड आरो बेयाव रैखाथि संदानग्रा आरो जाँगाखां फसंथान (डिआरडिअ) आ गोदान गोदान हाथियारफोरजो लोगोसे रैखाथि गोनां जोन्थोरफोरखौ दिहुनगासिनो दड। बेनि गेजेरजो आथिखालाव डिआरडिअआ हादतनि बयनिखुइ रेजेसिन बुलेट पुफ जेकेट बानायदो। बे जेकेटखौ कानपुराव थांनाय डिआरडिअनि रैखाथि मुवा-बेसाद दिहुनग्रा फसंथानआ थियारि खालामदो। आबुडै हादतनिनो जेकेटखौ पलिमर बेकिं आरो मनलिथिक सिरेमिक प्लेटजो थियारि खालामदो। बे जेकेटनि जर'खा बाथ्राया बेनोदि, बेखौ सिनायफारनि गर 6 गुलिफोराबो सोरखिनो हानाय



नड। बेयो मनलिथिक सिरेमिकआव गिबि जेकेट, जाय 67.62 एक्स 54 एपिआइ गुलिफोरखौ होबथानो हागोन। बे जेकेटनि इन कन्जाक्सन आरो स्टेन एलन डिजाइनआ साखिफोरखौ जायखि-जाया गुलिनिफ्राय रैखाथि होगोन। रैखाथि बिफाननि फारसेनिफ्राय फोसावनाय बिबुंधियाव

जेकेटखौ एगंनमिक राहाजो डिजाइन खालामदो होन्ना रैखाथि बिफाना खौरां होदो। रेजे जानायनि जाहोनाव बेखौ गान्नाया साखिफोरनि थाखाय गाहाम जागोन आरो अपारेशननि समाव सिगांनिखुइ बांसिन रैखाथि होगोन। बेजो लोगोसे भारतआ गेजेर थाखोनि जान्थायनि बेलिस्टिक मिसाइलनि गोदान दिहुन्थाइखौबो जाफुंसारे आन्जाद नायदो। बेनि सिगां थांनाय 18 एप्रिलआव डिआरडिअआ हादतनिनो टेकन'लजि गोनां क्लुज मिसाइल (आइटिसिएम) खौ जाफुंसारे आन्जाद नायदोमोन। बे मिसाइलनि बिस्नायखौ भारतयारि अखांमा साखिनि सुखइ-30-एमके-1 उरां जाहाजजो नोजोर टेस्टिं खालामदो। बे बुलेट पुफ

## इन्डिया टिभियाव दिने सानसे बिसायख'थियारि जोसांखो नुनो मोनगोन

गोदान दिल्ली, 24 एप्रिल : लक सभा बिसायख'थि 2024 खौ लानाने गिबि खोलोमनि भटिआ जागायबाय आरो नैथि खोलोबनि फोसावदिआ दिने बेलासियाव जोबना थांसिगोन। अदेबानि 26 एप्रिलआव नैथि खोलोबनि भटि जागोन। बेबायदियाव दिने इन्डिया टिभिया गावनि बिसायख'थि स्पेशेल कनक्लेभ बिसायख'थिनि जोसांखौ लानाने नायगिरिफोरनि गेजेरव नुजाफेदो। दानिफ्राय फैगौ 1 खावसे दानसिम भारतनि सुबुंफोरा इभिएमआव थुनां आरोबाव खेबसे मदिनि सरकार जाबावगोन ना जाबावा बेखौ थि खालामगोन। बे बिसायख'थिफोरव बेरेखा दोलोनि जुथाइ हान्जा इन्डिया एलाइन्सआ



गाहाइ मन्थ्र मदिजो बादायदो। नाथाय बेरेखा दोलोफोरनि गोहोआ नरेन्द्र मदिको फेजेनो हागोन ना हाया बेनि सायाव सोथि सोमजिदो। आथिखालाव हादतनि 98 कौटि भट होग्राफोर बेनि सायाव थांखि खालामगोन। बेबायदि मोनफ्रोम सौनायनि फिन्नायखौ नागिरनो थाखाय इन्डिया टिभिनि बिसायख'थियारि जोसांआ

नुजाथिफेदो। इन्डिया टिभिनि बिसायख'थियारि जोसांआव मोनफ्रोम पार्टीनि मुंदांखा दैदेनगिरिफोर आरो सुबुंफोरा थागोन। बे समाव सुबुंफोरनि सिगाडव दैदेनगिरिफोरनि गेजेरव दान्थे-बिदान्थेया सोलिगोन। बे हाबाफारियाव गुबुन हादतयारि मन्थ्र एस जयशंकर, मिरुआरि मन्थ्र अश्विनी भेषणव, आम आदमी पार्टीनि एमपि सन्जय

सिंह, उत्तराखान्डनि गिबि मन्थ्र पुस्कर सिंह धामी, हिमाचलनि गिबि मन्थ्र सखुभिन्दर सिंह सुक्खु, मिरुआरि मन्थ्र किरन रिजिजु, पान्जाबनि गिबि मन्थ्र भगभन्त मान, हारियाणानि आगुनि सिएम मनहर लाल कट्टरजो लोगोसे गोवां मुंदांखा दैदेनगिरिफोरा बाहागो लागोन। इन्डिया टिभियाव दिने सानसे बे गिदिर सन्मिलनखौ फोसावनाय जागोन।

## ड० एस जयशंकरआ बै समनि इउपिएस सरकारनि सायाव गाग्लोबदो



गोदान दिल्ली, 24 एप्रिल : मुन्बाइ गाग्लोबनायनि उनाव पाकिस्ताननि हेंथायै नायबिजिरेनि सायाव गुबुन हादतयारि मन्थ्र ड० एस जयशंकरआ बै समनि मन महन सरकारनि सायाव गाग्लोबना बाथ्रा बुंदो। गुबुन हादतयारि मन्थ्र एस जयशंकरआ थांनाय मंगलबारखालि मोनसे हाबाफारियाव बुडेदि, पाकिस्ताननिफ्राय फेनाय सा 10

उतखारिफोरा भारतनि रांखांथियारि राजथावनि मुन्बाइयाव गाग्लोबनाने सा 165 सुबुंफोरखौ बुथारदोमोन। बे गिखंथाव उतखारि गाग्लोबनायनि आन्दोआव पाकिस्ताननि आखाय दड होन्ना सरकार फोरमानबो मोन्दोमोन। अब्लाबो बै समनि इउपिएस सरकार 2008 नि मुन्बाइ उतखारि गाग्लोबनायनि उनाव जेबो फिनजाथाइ होयाखै। ड० एस जयशंकरआ बुंवावदोदि,

बिथाड गुरे आखु दिन्थिनाने उतखारिफोरखौ रैखाथि गोनां महरै गनायना लादोमोन। मुन्बाइ गाग्लोबनाय उनाव बै समनि इउपिएस सरकारनि माहारियारि रैखाथि बोसोनगिरिया लिदोदि, जो गासै बाथ्राफोरखौ नायबिजिरनायनि उनाव जेबो खालामनि थांखि लादो। बेराफारसे भारतखौ ग्लबेल साउटनि गोखौ हादत महरै फोरमायनाने बिथां जयशंकरआ बुंदोदि, ग्लबेल साउटनि हादतआ मुलुगाव गावसोरनि आयदा आरो मासिफोरखौ लानाने भारतनि सायाव फोथायो। बिथाडा फोथायैनिफ्राय फोथायनायसिम बायदि आयदानि सायाव खुनाय मोनसे सभाखौ सोमोन्दो लाखिदोमोन।

## ग्लेसियारआ गलिलांनयनि सायाव इसर'आ मोनसे रिपट फोसावदो



गोदान दिल्ली, 24 एप्रिल: लैथोमानि दैआ बांभोनाय खैफोदखौ लानाने मोनसे गोदान रिपट सोराडव फेदो। बेबादिनो लैथोमानि दैआ बांभोनाय थायोब्ला गासै हा बाहागोआ दैआव गोदोलांगोन। नाथाय बेयो मानि थाखाय जादो, लैथोमानि दैआ माबोरै बांभोबाय थादो? बे सोथिनि फिन्नायखौ इसरआ फोसावनाय मोनसे रिपटनिफ्राय मिबथिनो हायो। आथिखालाव मुलुगआव बिदुं एबा दुंखावनाया बांसिन जाबोनायजो गिदिर गिदिर बरफनि दामोलफोरा गलिलांनयनि दड। बेफोर बरफनि दामोल गलिलाय एबा ग्लेसियारआ गिसिखानाने लैथोमायाव गोलैना गलिलाने दै जानाया बबेबा मिथिंगायारि खैफोदनिफ्रायबो गिखंथावसिन। बेखौ लानाने इन्डियान स्पेस रिसार्च अर्गनाइजेसन (इसर') आ मोनसे रिपट फोसावदो। सावगारिफोरजो लोगोसे इसर' आ रिपटआव फोरमायदोदि, एफा बोसोर माबोरै हिमालयनि बिलोफोरनि महर आरो बेनि दैआ बांसिन जाबोदो। रिपटआव बुंदोदि 1989 माइथायाव जाय बिलोनि अरथाया 36 हेक्टरमोन बे बिलोनि अरथाया बोसोरफा एबा बांनाने 2008 आव 60 हेक्टर जाफैयो। आरोबाव 2014 आव हिमालयनि बे बिलोआ 77.59 हेक्टर ओन्सोल गुवाराव गोसारदोमोन। बेनिफ्राय 2020 आव बिलोनि अरथाया 95 हेक्टर आरो 2022 आव 1989 निखुइ थाम गुन गुवारसिन जानाने 101 हेक्टर जाफैयो। इसर'आ गावनि रिपटआव फोरमायदोदि, हिमालयनि 601 बिलोफोरा नै गुनिनो बांसिन गुवार जाबाय। बेयाव मोन 10 ओरैबायदि बिलोफोरा दंफायो जायनि अरथाया से खवसेनिफ्राय नै गुन सिम बांदो। फासैथि मोन 65 बिलोफोरनि अरथाया से खवसे गुन बांसिन जादो। बेनि गाहाइ जाहोना हाजोनि बरफ दामोल एबा ग्लेसियारआ गोखे गलिलांनयानो होन्ना गनाय जादो। बेबायदि गोखेथिजो हिमालयनि ग्लेसियारफोरा गलिलांनय थयोब्ला बिलोफोरा गुवारसिन जागोन आरो जायखि जाया समावनो बिलोफोरनि दैआ उडिफावनो हागौ आरो गिदिर खैफोद लाबोनो हागौ। गोखेयै ग्लेसियार गलिलानयनि जाहोना जादो, बुहुमनि बिदुंआ गोखेयै बांभोबाय थायाय। नासानि बायदिब्ला, 1880 निफ्राय दासिम बुहुमनि बिदुंआ 1.1 डिग्री सेल्सियस बांबाय, जाय फैगौ 20 बोसोराव 1.5 डिग्री सेल्सियससिम बांभोनो हागौ।

## इराननि हादतगिरिया पाकिस्तान दावबायहैनायाव आमेरिकाया बोसोन होदो



वाशिंगटन, 24 एप्रिल : आमेरिका आरो इराननि गेजेरव सोमोन्दोया गोब्राब जानाने दड। इजाइलआव इराननिफ्राय गाग्लोबनायनि उनाव थासारिया गात्रिसिन जादो। आथिखालाव इराननि हादतगिरि इब्राहिम रइसीआ पाकिस्तानआव दावबायहैदो, जायखौ आमेरिकाया गोखौ नोजोर लाखिगासिनो। बेनि गेजेरव इसारजो आमेरिकानि सासे बिबानगिरिया बुंदोदि, इरानजो फालांगि खालामनो गोसो गोनां जायखि जाया सुबुंआ आमेरिकानिफ्राय होबथानायनि खैफोदखौ मिबथिना लानांगो। आमेरिकानि गुबुन हादतयारि

मावख'नि लेखइ बुंथिगिरिया भेदान्त पाटेलआ इराननि हादतगिरि इब्राहिमआ पाकिस्तान आव दावबायहैनायनि बागै सौनाय मोनसे सोथिनि फिन्नायाव बे बाथ्राखौ बुडो। मख'जाथावदि, इराननि हादतगिरिया पाकिस्तानआव दावबायफेनाय समाव बे दरने हादतआ मोन 8 रदायाव मुंसाइ होदो आरो फालांगिखौ 10 आर'ब आमेरिकान डलारसिम बांभोनायव बे गनायथिज्जलायो। हादतगिरि

## रासियाआ अक्टबरसिमाव भारतनो एस-400 मिसाइल सिस्टेमखौ आबुडै ज'गायना होगोन

गोदान दिल्ली, 24 एप्रिल : भारतआ गावनि रैखाथि गोनांथिफोरखौ सुफुंन लानायनि थाखाय गोखे थांखि आजावगासिनो। बेयाव मुलुगनि बयनिखुइबो साबसिन अखांमा रैखाथि हाबाफारिनि मोनसे एस-400 मिसाइलनि रदायआबो दंफायो। एस 400 मिसाइल सिस्टेमआबो भारतयारि अखांमा हान्जायाव बयनिखुइबो गोहो गोरसिन हाथियार होन्ना बुंजायो। बेयो बेसेबां जर'खा बेखौ भारतआ आमेरिकानि अजद होसेयावबो रासियाजो रदाय खानायनिफ्राय मिबथिनो मोनो। एस 400 मिसाइल एयार डिफेन्स सिस्टेमआ भारतआव जानो हाथाव अखांमा गाग्लोबनायखौ फेलें खालामनो हायो। खौरानि बायदिब्ला रासियाआ सम थि खालामनाय बायदिदियै फैगौ बोसोराव भारतनो अखांनिफ्रायनो बारहावायाव गावहरनो हाग्रा मिसाइल प्रग्राम एस-400 नि आद्रा थांनाय मोनने रेजिमेन्टखौ जगायना होगोन। रासियाआ 5.5 आर'ब आमेरिकान डलारनि रदाय बायदिदियै भारतखौ गोजाम जान्थाइनि मिसाइल प्रग्रामफोरनि मोन 3 केषखौ सिगांआवनो ज'गायना



होखांबाय। सुलुंनि बायदिब्ला फैगौ सेप्टेम्बर दानआव भारतनो रासियाआ गंनै दावहारु गाथोननि गिबिसिन दुशिलखौ ज'गायना होनो हागौ आरो नैथि तमालखौ फैगौ बोसोरनि जानुवारीयाव ज'गायनो हागौ। भारतआ एस-400 मिसाइल सिस्टेमखौ जर'खायै चीन आरो पाकिस्तानखौ नोजोर होनाने डिप्लय खालामनाय जागोन। बेनि रेन्जआ 40 निफ्राय 400 कि:मि: सिम।

**मे/2024 दाननि थाखाय इ-निलाम हाबाफारि**

डेपुटि सिएमएम/डि/निउ बडाइगाव सा-सान्जा सिमना रेलव

डेपुटि सिएमएम/डि/निउ बडाइगाव सा-सान्जा सिमना रेलव

मिनिस्त्रयै ग्राहकफोरनि सिम सिबिथाय

# गोबाव सान एबा दानसिम जेबो जाया जासे थांनानै थानो हाग्रा जिउनांफोर

जॉनि बहुमाव गोबां सोमोनांथाव जिब-जुनात आरो दथायफोर दड। बेफोरनि माखासेखौ सुबुडा दासिमबो संदाननो हानाय जायाखै। जॉ मिबथिगौदि, जिउनांफोरा जाग्रा आदार आरो दै लोड जासे गोबाव सानसिम थांनानै थानो हाया। अदेबानि माखासे जिउनांफोरा सानसे साननैनिखुड बाउसिन आदार आरो मोनाब्ला थांना थानो हाया। नाथाय माखासे जिउनांफोर दड; जायफोर गोबाव सान एबा गोबाव दानसिम आदार आरो दै लोड लासे थांनानै थानो हायो। सोमोनांथाव बाश्चादि, माखासे जुनातफोर माखासे



दानसिम जेबो जाया-लोड लासे थांनानै थानो हायो। बेफोर जुनातफोर जादो-

1. पेनगुइन: पेनगुइनफोर बरफ जायगायाव थाग्रा जिब। बिसोर जेयव थायो बेनि बिदुड औरैबायदि खम जायोदि, जायनि जाहोनाव बिसोरनि उखेनायाबो हारसिडैनो खम जालाडो। बिब्दियेनो पेनगुइनफोर 2-4 दानसिम जेबो जाया लासेनो थांना थानो हायो। फारसेथिं जेब्ला 0 डिग्रिन गहायनि बिदुडव मैहुर खालामना आदार जानायनि बाश्चा फेयो अब्ला जोला पेनगुइनफोर फिसाफोरनि खाथियाव थांनानै बेफोरखौ दुंबुदयै लाखिनायनि खामानि मावो



आरो जो पेनगुइनफोर मैहुर खालामनो बायजोआव थाडो।  
2. बालाहामानि खासेव: 50-80 बोसोरसिम थांनानै थानो हाग्रा बालाबारनि खासेवआ 50-60 डिग्रि बिदुडवबो आरामे थांना थानो हायो। फारसेथिं बेयो गोबाव दानसिम दै लोड लासेबो थानो हायो। मानोना बे जिबआ गावनि हासुदु फिथोबआव बेखौ जमा खालामना दोनो। बे देखौनो इनार्जिआव सोलायनानै बेफोर खासेवआ गावनि आदारनि गोनांथि जानायखौ सुफुना लायो।  
3. कमड ड्रगन: मैहुर खालामनायाव जोबोद आखा-फाखा होना

## दैज्लांआ सौफेबाय

मिथिसार ब्रह्म

दैज्लांआ सौफेबाय,  
ग्रं-ग्रं गोजौ लाथिख' नखांमानिफ्राय  
भुहुम बिखायाव जुब-जुब अखा गोलेबबाय!  
जेरावबो जेबैबो दैन बिसिना बगलाबजोबबाय!  
एम्बुफोरा बिआवनो थाना उदां-गेबेडे' गारां  
हगारसारबाय,  
उन्दुगादुरा मिथिंगा बिखाआ गोदाने सिरि मोनखांबाय  
बर' फिसा आबादारीफोरनि गोसोआव जांखिखांबाय  
उदां दुबुलिबारिआ आबादारीफोरजों फिन आवुडै  
बुंफबबाय।  
आबादारीफोरनि फार्थ-थं गामसा गानना, खफ्रि हमना  
एरैबो है-हा, हैरैबो है-हा  
मोसौ होगदिनायजों  
एरैबो थे-थे हैरै थिंजायबो थे-थे  
नांगोल खंखाखौ बुगथिंबायनायजों  
हाबाब.....  
गोमसारथारदों जैरैथिंजायबो आवुडै'बर' गामिया,  
बेरखांथारदों 'बर' नि हारिमुवा।  
अदां, हामो, दुमफेमोननि  
खर' आव सिथ्रि फान्थाव-थाव खाथबना  
फैखौ-फैखा फार्थ-थं दखना गान्ना  
गोसो मन होसारना  
दुबुलिबारिआव खोथिआ फुनायाव, माइ गायनायाव  
द्रा-द्रा हानाय अखा  
आरो सिउ सिउ बारनाय बाराबो  
आय'.....!  
हाथारखिसै बिसोरखौ सिगलाब होनो गोजां होनो,  
हायाखिसै बिसोरखौ बुबथिंखारनो, फेजेननो!



गनाय जानाय कमड ड्रगनआबो जाया-लोड गोबाव सप्ताहसिम एबा दानसिम थांनानै थानो हागौ। बेनि खुगानिफ्राय औरैबायदि खुदु ओंखारोदि, जायनि बिसजों जोबोद खम समावनो जायखिजाया जिउनांखौ जिउ फोजोबनोबो हागौ। मै फिसा एबा बोसोरसिम जाया मानो कमड ड्रगनआ मन'नायाव जेबो गोब्राब जाया। आदारखौ मन'नायनि उनाव बेनि देहायाव जानाय आदारआ जोबोद लासैयै दोगोन जायो।

4. गोलेर: गोबाव सानसिम जाया-लोड थांनो हानाय जिउनांफोरनि गेजेराव गोलेराबो मोनसे। बेनि दोगोन बिखास्थियाबो जोबोद



लासैयै जायो, जायजों बेयो गोबाव समसिम जेबो जाया लोड जासे थानो हायो। बे समाव गोलेराफोरा देहायाव गावनि गोहो एबा इनार्जिखौबो दिदोमै लाखिनो हायो।

5. टर्डीग्रेड: बेबो मोनसे औरैबायदि जिब, जाय जाया लोड जासे 30 बोसोरसिम थांनानै थानो हायो। जाया लोड थानाय समाव टर्डीग्रेडआ देहानि हाबाफारिखौ दिदोमै एबा बन्द 'खालामना लाखियो आरो जेब्ला बेयाव दैन बिबाड 3 जौखोन्दोल' थायोब्ला अब्लाबो आदार मोनजायोब्लानो बेयो एक्विथ जाफिनो।



## मिथिंगा

नै मिथिंगा...  
नॉनि हायनारि महराव  
आंनि गोसोआ जावलिया जाबाय,  
बिफां-लाइफां  
दैमा-दैसा आरो  
हाजो-हालाफोरा  
नॉनि महरखौ समायफलेहोदों।  
नॉनि बे समायना महरा  
बयनिबो गोसोखौ जावलिया जाहोयो,  
मिथिंगा नों बेसेबांदि बोदोर खालामो।  
आंनि मेगन थायनेया  
नॉनि महराव गोलेसोनानै  
खालि आं नोंखौल'  
नायबाय थानो लुबेयो।

राजदिफ मुसाहारी  
बड 'लेन्ड स्पर्टस एकाडेमी'  
जिल्ला-चिरां

## बे संसाराव

गैया आंहा दिनें  
जिउआव सासेबो लोगो,  
मोनासे आंहा दिनें  
लोगोफोरनि अन्नायखौ,  
हारसिडैनो फेदोंमोनआं  
हारसिडैनो थांफिनगोन नामा ?  
बे मुलुग संसारनिफ्राय  
फैयाखेमोन नामा ? जोनोमाव  
आंजों रावबो मदतगिरि  
सान्दोंमोन आं दड होना,  
नाथाय गैया आंजों रावबो  
एसेबां गुवार मुलुगाव  
थाबाय आं आलाय-सिलाय,  
सोर मिथिबावगोन आय'  
सोर बुजिबावगोन।  
आंनि बे दुबुथिया गोसोखौ  
बे संसार बिखायाव।

देपफला मुसाहारी  
गामि सालगुरी  
ला:सो: रनसायधाम  
जिल्ला: चिरां बिटिसि (आसाम)

# रंजालि गथ'फोरनि सौरा

## "नाव गनैयाव आगान होनाय"

नाव गनैयाव आगान होनाय  
बाश्चाखौ लाना नोंखौ जेब्लायबो  
मोत्रो हास्थायनाया आंनि गेदेर  
फाफ मोन नामा स'ना ? ?

गोसोआव सेबखां फेयो  
नॉनि मिनिबाला मिनिनाय  
खोमायाव रिंखांफेयो नॉनि  
ओय खोनाबाय होनना गाबजिनाय।  
बावलांबाय नों बै समनि लानाय रादाय  
खोमोर हाला गोरबोआव दागो जाना थालांबाय।

मोगथाडव मिनिस्तु मिनिब्लाबो  
गोबौ इंसिडव सैथोनि हाब- हाबनाय  
जिलिदजों गावहरबाय नों बिखायाव  
गा रोंडि-गाराय जाना थालांबाय।

गोबौनि फानजारियाव फांथेना  
दोत्राय दाव मैनाया फानजारिखौ  
मुगौनानै गुबुनाव बाहैयोब्ला  
आं मा बिखाजों थांनानै थाबावनो।  
नाव गनैयाव आगान होनाया फापमोन नामा ???

-सोरांसार बाग्लारी,  
अदालगुरि बड 'लेण्ड

## बिलि लानानै

सुबुं जिउवा अरायबो  
नख सुखुनि फुंखा  
जानाडो सानसे दुखु  
बिलि लानानै

-दैदोम बर', बाक्सा

## बिबार

बेसे समायना नों बिबार  
गोमो, गोजा, गोथां  
बायदि गाबजों बुंफबनाय  
नॉनि महरालाय।  
नाथाय नोंदि दान्दिसेल'  
साननैसोआवनो गोमालाडो  
नॉनि समायना गाबफोरा।  
थेवबो आं सानो नोंखौ  
समायनायै लाखिनो,  
नाथाय अब्लाबो आं हाया  
नोंखौ समायनायै लाखिनो।  
थेवबो नों साननैसोआवनो  
बेसेबां गोहो लानानै फेयो  
सुबुंनि गोसोखौ गलिहोयो  
बेथ' नॉनि गोमोथाव गोहो।

बिरबल बसुमतारी  
बड 'लेन्ड स्पर्टस एकाडेमी'  
जिल्ला-चिरां

## फुंबिलि

आय' सिखोला फुंबिलि  
रावबो मिथिया जौल' मिथिलायगौ  
जौंदि सानैजों जादों जुलि,  
सानजा जिंनि नखराडव  
फेयो नों सोदोब मोनथाव  
बिरहोनानै रैसुमै बाराव  
गोजा जोमैनि दख'ना फैसालि  
जाब्रत मोखाडव हायना नांफबनाय  
हनै बे गोजाया  
बेथ' नंनि हसारनाय खानायनि  
गेलेनाय जेबो नड।  
आयनाबादि सम-सम दै बिखायाव  
मा नायदों यै गोजों मुवायाव।  
सोर खोमोरखो यै सिन्दुरनि फोथाखौ  
नोंनो आजलि बिजलि ?  
नोंजों आंजों दै जिडव  
बिदिनो अराय नुज्जायग्रा  
सिखिरि मानसिनि मेगन सेरावल  
जों सानैजों एरा-एरा,  
हाबाब सना नोंखौ आं  
जिउ होनानैबो गोसो थोयो  
खोनाबाय आं नॉनि खुगायाव  
गोसो थोनायनि मुंसे मुलि।

किरात ब्रह्म  
गामि: सालगुरि  
ला:सो: रनसायधाम  
जिल्ला-चिरां

## आं गाबनो ओंखाराखै

तरेण बर'

गोसोनि सोमखोर खोथाफोरखौ  
दबथायना दोनदों  
नों मिथिगोन होनना,  
जायफोर सिमां दंमोन  
नोंखौ सोमखोर खालायनो  
फुरायानो जायाखिसै बायफलेनाय सायायाबो।

थामिबाय लुबेनायफ्रा,  
सोरगिदि सागलोबनो नागिरनाया  
गोसोनि सोमखोर फोरखौ  
जोमैनि सेर सेर  
गोरबोनि सायखंआ  
बायफलेना थाबाय  
बुहुम आरो अखांनि  
फारागथिया बांनासो थाबाय।

थेउब्लाबो आं गाराखै  
उनदैयाव खोनासंबोनाय  
जिउनि भावथिनानि खोथा  
इयुनाव जानाय दालाइ  
बायफलेनायनि खोथा  
अब्लाथ' मिथियानोमोन  
जिउ दाहारखौ।

साननो हायै सानखानथिनि बाश्चाखौ  
समफ्रा गोबां मुगा बारलांबाय  
नाथाय सानखानथिफ्रा ? ? ?  
खुनुदिन गोरोबथाराखिसै  
फावथिनाफ्राबो जोबथारनायाव  
जिरायनोसो हमबाय  
थेवबो आं गाबनो ओंखाराखै  
बोथोर आरो समनि रिफिनायाव।।

# समायना अरनबारी

आय ! समायना अरनबारी नों  
मा, एसे समायना नॉनि महरालाय ?  
खोल-खोल मोदानदों दैसा रुगुड  
मुहिनि गोनां रैरुब महरजों समाय होयो  
बिमा हादतनि दोहोनखौ।  
सेर-सेर देमगलायनाय बिबारफोर  
सोमोनांथाव माजों रुजुथावयो।  
मिनिखैरो मिनिस्तु मिनिना नायहरो नों  
सोरगिदि गोसार होबाय दावमा-दावसा  
मोदानफबबाय दैसा रुगुड।  
जरासे हांसो सिलारि  
बिरबोबाय बवेबा हा-थानिफ्राय  
सानाबो दोबैबाय लासे-लासे।

मिस जेवारी बसुमतारी  
बड 'लेन्ड स्पर्टस एकाडेमी'  
जिल्ला-चिरां

## दैमानि दै

दैमानि दै आं,  
बोहैबोयो जिरि-जिरि  
अखा नायब्लानो सोरां जाब्लानो  
समायना महर लानानै  
बोहैलाडो जेरावबो।  
रुगु गैया आंहा,  
थाद'नोबो सम गैया  
बोहैलाडो जिरि-जिरि  
दैमानि दै आं।  
सुलुं दं आंहा जेरावबो  
गोहो गोरा आंहा  
गोसो जायोब्ला,  
रावबो हमथा हाया आंखौ  
बुखार लाडो बिफां-लाइफां,  
न'-बां लोरगि गैया खालामो  
जिउआव दुखु दं आंहा  
थेवब्लाबो थाद' हाया  
बोहैबोयो जिरि-जिरि  
अराय सम थानो हाया।

दैमु बसुमतारी  
बड 'लेन्ड स्पर्टस एकाडेमी'  
जिल्ला-चिरां

(□ 1 विलाइनफ्राय)

(□ 1 विलाइनफ्राय)

(□ 1 विलाइनफ्राय)

## हिन्दु-मुसलमान मोनसेल 'स्लगान बे खेबआव...

फोसावदिनायखो नुनो मोन्दें। लाहरिघाटनि तिनचुकियाआव थानाय रजिब गान्धी गेलेग्रा फोथाराव गिबि मन्थ्रिनि बे बिसायख 'थि फोसावदि' मेलआ खुंफुं जायो। गिबि मन्थ्रिआ बे हाबाफारियाव बाहागो लानाने रोजा-रोजा हौवा-हिन्जाव मुसलमान राइजो-राजाफोरखौ फिन खेबसेबाव मदि सरकार मेथाइजोँ सिरिसे स्नाइ मोसाहोयो। आथिखालाव हिन्दु-मुसलमान बयनिबो खुगा-खुगा फिन खेबसेबाव मदि सरकार रावआल' गोमखंगसिनो दड होन्ना फोरमायनाने बेरेखा दोलो कंग्रेस हान्जाखौ गोखौं रावजौं सौंखारियो। थानाय 75 बोसोराव कंग्रेसआ राइज्योनि जेबो मावनाने होलाडाखे आरो मुसलमान राइजोफोरबो जर'खयै कंग्रेसनिफ्राय मिजिथिनाय बायदि जेबो मोनफुनो हायाखे होन्ना सौंखारिनाने कंग्रेसनि आखायआ खामानि गैया, थाला साबिआबो बेसेन गैया होन्ना गिबि मन्थ्रिआ फोरमायो। नगावनि कंग्रेसनि बिजाथि प्रद्युत बरदलैखौ गोखौं रावजौं सौंखारिनाने दिनैसिमाव बरदलैनि नख'रआव साबेसे सोद्रोमा दड बेखौनो रावबो मिबथिया होन्ना गिबि मन्थ्रिआ फोरमायो। बेसेबांवा गोबाव बरदलैने भट होबोनाने दिनैसिमाव मा मोनखौ होन्ना सौंथि देखानाने बिजेपिनि बिजाथि सुरेश बरानि गुरै नोरोम आखुनि सोमोन्दे फोरमायना बयखौबो बिजेपिनि फामे बिबारनि सावगारियाव भट होनो थाखाय खावलायो। ओन्सोलाव हाब्रां गिसिखानायजौं हालाय-हाफाय जानानाय थासारिखौ बिजेपिआसो फोजोबखंगोनि, गोबिब थाखोनि नख 'फोरनो बिजेपिआसो हानि पाट्टा होगोन, साखिनि मुडव थाइसेबो रं लायालासेनो लाइमोनफोरनो साखि होनाय जागोन, सिगाडव से लाख लाइमोनफोरनो साखि होखांबाय। दा फिन खेबसेबाव 50 रोजा लाइमोनफोरनो साखि होनो थांगासिनो दड। बे खेबनि साखि होनायनि राहाया एसे आलादा, रिक्सा सालायग्रा, तेला नारा, गोबिब थाखोनि फिसाफोरनोसो बे साखिखौ होनो थांखि लानाय जादों। नाथाय कंग्रेसनि समाव अंगनवादि साखिजौं लोगोसे गासैबो थाखोनि साखिजौं लोगोसेनो गुस होनो गोनां जादोंमोन। सोरबा दालालआ साखिनि मुडव थगायनाने रं लानायखौ मिबथियोव्ला बेखौं थौंजोडै गोजा न'नि आलासि खालामनाय जागोन। बेबायदिनो गिबि मन्थ्रिआ रोजा-रोजा मुसलमान राइजो-राजाफोरनि गेजेराव आथिखालनि सरकारनि सुबु अन्साइलु बिथांखिफोरनि सोमोन्दे गुवारै फोरमायनाने होनायखौ नुनो मोनो। गोजौसिन गेजेरारि थाखोआव मुं थिसननाय हिन्जावसाफोरनि एकाउन्टआव 10 रोजा, आरिमु जालियाआव 12,500 रं आरो मुलुग सोलौंसालिमायाव मुं थिसनग्रा फरायसुलिफोरनि एकाउन्टआव 25,000 रं सोनाने हसनाय जागोन होन्ना गिबि मन्थ्रिआ फोरमायनाने फिसा हिन्जावफोरखौ मोजाडै मोजां गोजौ सोलौंथाइ होनायव बिजेपि सरकारआ हनाय मानि खामानि मावलांगोन आरो बेवहाय हिन्दु-मुसलमान गासैबो थाखोनि धोरोगारि राइजो-राजाफोरनो हेफाजाव होलांबाय थायोव्ला सानसे जौनि आसाम राइज्योआ बयनिखुडबो साबसिन राइज्योनि महर मोनगोन होन्ना गिबि मन्थ्रिआ बयखौबो फामे बिबारनि सावगारियाव भट होनो खावलायो। जाय खामानिफोरखौ मावगोन होन्नाने कंग्रेसआ दिनैसिमाव खुगा दामबोगासिनो दड, बे खामानिखौ बिजेपिआ खुगा दामालासेनो सिरि-सिरिये मावखानाने जाफुंसार जाबाय होन्ना गिबि मन्थ्रिआ बेबायदि मावनायनि सिगां दल दामनाने फोरमायग्रा हान्जानिफ्राय जानगराव थानो राइजो-राजाफोरखौ खावलायो। बे हाबाफारियाव बाहागो लानाने गिबि मन्थ्रिआ मुसलमान बिदा-फेबाय, बिब'-बिनानावफोरनिफ्राय थोजासे हेफाजाव मोनगोन होन्ना फेगौ बिसायख 'थिखौ थोजासे मिजिजौं देहासागोन होन्ना सानाने लानायखौ रोखा जागोन होन्ना फोरमायो।□

## बर'-अबर'नि फारागथिजौं बिटिसिआ माब्लाबाबो जौगाया, 3 लाखनि फारागथियाव जयन्त...

लकसभा बियाबआव भटर राइजोफोर जैरैथिबो इडिपिपिएल दोलोनिल 'जै होनायजौं गोमखंदों होन्ना फोरमायदों। 3 लाख भटनि फारागथियाव एनडिनि बिजाथि जयन्त बसुमतारिआनो देहासागोन होन्ना ब्रह्मआ दाबि देखदों। थानाय 10 बोसोराव नबकुमार सरनियाआ हरियारि फारागथिनि राजखानिजौं सुबुफोरनि सान्दाथियाव हरियारि फारागथिनि बेर फोनाने देहासाव जाबोबाय थादोंमोन। नाथाय बे थासारिया आथिखालाव गैलिया बेनि थाखाय भारतनि गहाइ मन्थ्रि नरेन्द्र मदि, गिबि मन्थ्रि ड हिमन्त बिश्व शर्मा, इडिपिपिएलनि आफादगिरि प्रमद बर'खौ बाखानयो गोनां दड होन्ना बारा' मन्थ्रि चन्दन ब्रह्मआ गावनि बिबुथियाव फोरमायदों। मानोना बर'-अबर' खालामबाय थानाने बिटिआरआव माब्लाबाबो जौगाथानया फेनया नड। थानाय 10 बोसोराव जौं हारि फारागथि, धोरोग फारागथि बायदि खालामलायनाने गोबां उनफिन्नाने थाबोबाय, जौनि गेजेराव मोनसे सन्देहनि थासारि सोमजिबाय थादोंमोन। नाथाय बे खेबआव बे थासारिया गोमोरलांबाय। दर-उदालगुरियाव दिलीप शइकियाआ देरहानायजौं लोगोसेनो कक्राझारआवबो जयन्त बसुमतारिआनो देरहागोन होन्ना ब्रह्मआ दाबि देखाडे। बिटिआरनि माइनरिडि भटरफोर इडिपिपिएलनो भट होगोन होन्ना ब्रह्मआ गावनि फोथायनायखौ फोरमायदों। पर्वतझरा महखुमा इडिपिपिएलनि गहाइ नेहाथारि सलिम आहमेद खानआ दैदेनयाय बे मेलआव बिजेपिनि गोखौं दैदेनगिरि एबा बारा' एमएलए बननेन्द्र बसुमतारिआबो बाहागो लायो। मख'नो गोनांदि, चन्दन ब्रह्मआ पर्वतझरा महखुमानि तिपखाइ बासबारि आरो रुपसिआव इडिपिपिएलनि जानाने बिसायख 'थि फोसावदिनायाव बाहागो लायो।□

## धुबुरिआव प्लाई स्क्वाडआ

### 2,50,000 रं बोखांनो हादों

मोन्नो हादों होन्ना मिबथिनो मोन्दें। साखाथिनि राइज्यो सोनाब बंगनिफ्राय डब्लिडबि 64 थि 7784 नम्बरनि साखा खब्बे गारिजौं धुबुरि फासै थांबाय थानाय समावनो सागलियाव प्लाई स्क्वाडनि हान्जा आरो पुलिसनि जुथायै नायबिजिरसंनायाव बे रंखौ बोखांनो हानाय जादों। प्रसेन्जित चक्रबर्तिखौ सोनाब बंग कचबिहारनि 2 नं वार्डनि थागिबि होन्ना मिबथिनो मोन्नाय जादों। जाथायनि सोमोन्दे नायबिजिरसंनाया सोलिंगासिनो दड। मख'नो गोनांदि, आसामनि मोनबा बियाबआव नैथि खोलोबनि बिसायख 'थिया 26 एप्रिलआव खुंफुंजानो थांगासिनो दड।□

## बि.टि.आर गोरोबथानि उनाव बड'लेण्ड

### ओन्सोलाव सोलौंथाइनि थासारिया गोबां ...

हायो गुन गोनां सोलौंथाइ लानायाव गोसो होथारनो खावलायबावो। हाबाफारियाव मिरु एबसुनिफ्राय सुबु फोनांजाव नेहाथारि बिरखां नार्जिरि आरो चिरां जिल्ला एबसुनि लोगो सोलौंथाइ नेहाथारि कामेस्वर बसुमतारियाबो बाहागो लायो।□

## गिखंथाव अर खामनायजौं गं 10 निफ्रायबो

### बांसिन दखानफोरा सेवहांगार

जायगायाव अर खोमोरग्रा हान्जाया गोबानजौंसो सौंफैयो। खौरं मोन्नाने जाथाय सालियाव पुलिसआ नुजाथिहेना गसाइगावजौं लोगोसे कक्राझार-सापट्टामनिफ्राय अर खोमोरग्रा हान्जाखौ लिंहरना अरखौ खोमोरनो हायो। अर खोमोरग्रा हान्जाया जाथायसालियाव थाब नुजाथिनो हायैनि राइजोफोरा रगा जौंखाडे। बे गिखंथाव अर खामनायाव देबासिस साहानि मुल्लि, बिप्लब कर्मकारनि सना-रुपा, अशिम साहा तापस साहानि दशकर्मा, तापश साहानि जेरेक्स दखान,सुजइ दासनि स्टेसनारि जाग्रा मुवा, बिजय दासनि जुता दखान, रतन साहा-सुरुजित बिस्वास, शिब शंकर साहानि सि दखान, अमित घषनि मबाइल दखान, सन्जय दासनि साट हाउस, जयप्रकाश प्रसाद, गौरंग देबनाथ, बाब्लु साहा, लक्ष्मन देबनाथ, सुब्रत बिस्वास, परितस साहा आरो सुसान्त साहानि फालांगि फसंथान, भारत बिधान साहानि माइ मिल बायदि फालांगि फसंथानफोर आवुडै-नो सेवहांगार जानांदों होन्ना सुलुडव फोरमायदों। बे खौरंखौ मोन्नाने गसाइगाव जिल्ला बिपिएफनि आफादगिरि सभाराम बसुमतारि, नेहाथारि बिल्ला ब्रह्म, एमसिएलए मृतुनजय नार्जिरिनि मोनसे दोलोआ थानाने जाथायनि सोमोन्दे खौरं लाहैयो आरो खहा जाजानाय सुबुफोरनो थाबेनो खहा सुफुंथाय होनांगो होन्ना सरकारनि खाथियाव दाबि देखाडे। गसाइगावआव गंनैल' अर खोमोरग्रा गारिआ बेसेबा गिदिर ओन्सोलनि थाखाय थोजासे नड होन्ना बिपिएफनि जिल्ला नेहाथारि बिल्ला कुमार ब्रह्मआ गावनि बिबुथियाव फोरमायदों। खमेबो गसाइगाव हिसाबै गासै गं 6 अर खोमोरग्रा गारिखौ नांथारगौ होन्ना दाबि देखानाने हरखाब जात्रबथायनि थाखाय गसाइगाव नोगोर आफादआव गंनै अर खोमोरग्रा गारिखौ लाखिनांगो होन्ना दाबि देखाडे। मख'नो गोनांदि, अर खामफुबाय थानाय समावनो एबा मोनानि समावनो एमएलए जिरन बसुमतारिआबो जाथायसालियाव थानाने खौरं लाहैयो।□

## बाक्स आरो तामुलपुरआव

### धारा 144 फोसावदों

बिद्युत बिकास भगवतिआ 144 आइन फोसावदों। बे समाव भारत-भुटान गेजेर हायुंआरि सिमाजौं गासैबो रोखेमनि गारि-मथर आरो सुबुफोरनि हाबनाय आरो ओंखारनायखौ होबथानाय जादों। बे समावनो, बिसायख 'थिखौ गोजोनै खुंफुंनो थाखाय बाक्सा जिल्लानि जिल्ला बिसायख 'थि मावख 'गिरिआ 24 एप्रिलनि बेलासिनि 5:00 रिगानिफ्राय 26 एप्रिलनि बेलासिनि 5:00 रिगासिम ड्राइ डे फोसावदों। बेनि अनगायैबो तामुलपुर जिल्लानि जिल्ला बेंगिरि बिद्युत बिकास भगवतिआ राइज्योआरि जायगाफोराव रेलि खालामनाय आरो भारतआरि आइन खान्थिनि धारा 144 नि सिडव साबानि बांसिन सुबुनि जथुमनाय, पुलिस आरो रोनिया हान्जानि जवानफोरनि अनगायै गुबुन सुबुफोरनि हाथियारफोरखौ सामलायनाय, भट मिरुनिफ्राय 100 मिटरनि गेजेराव फोसावदिनाय, पस्टर आरो बेनार दिन्थिफुंनयाय बायदिखौबो होबथादों। बेनि अनगायैबो, रावबो सिगांनो गनायथि गैयाजासे मेल खुंनो हनाय नड आरो खुंथाइनि गनायथिजौल' लाउड स्पिकार, माइक्र'फन बायदि बाहायनो हागोन। बनेखानि, सावसि हरखाब सिबिथायफोर, थि फोरमायथि गोनां दावबायारिफोर, गोनांथार बेसादफोरनि रोगाथाय सिबिथाय बायदिफोरखौ बे समाव रेहाय होनाय जादों।□

### पल्ला दैमायाव सासे आइजोनि..

दिने सान्जौफुनि समाव भकुवामारि गामिनि राइजोफोर भकुवामारिनि गेजेरजौं बोहैलांनय पल्ला दैमायाव आइजोनि गोथै देहाखौ नुसन्नाने पुलिसनो खौरं हरो। गोथै देहाखे पुलिसआ बोखानाने भकुवामारि गामिनि किस्वरि सुत्रधरनि विसि गलापि सुत्रधर (60) होन्ना सिनायथिनो हनाय जायो। जाथायखौ नायबिजिरसंनाया जुरिजेनबाय होन्ना पुलिसनि सुलुडव फोरमायदों।□

### बरबरियाव सासे लाइमोनखौ ...

खासि-बिस्त्रियै बुथारनाय जाथाय सोमजिदों। जाथाइनि सोमोनदे मिबथिनो मोन्नाय बायदिब्ला पाखामारा गामिनि दिलिप बैश्यनि फिसाज्ला रमानी बैश्य (25) खौ सिनायमोनै दुथांफोर मंगलबारनि मोनाबिलियाव खोमसिनि खाबु लानाने खासि-बिस्त्रियै बुथारदोंमोन। लोगोसे बे जाथाइआव खमेन लाहारीनि फिसाज्ला राकेश लाहारी (22) आबो गोब्राबे जोखोम जायो। जोखोम जानाय राकेश लाहारीखौ मुसलपुराव थानाय डा: रबि बर' देहा फाहामसालियाव फाहामथाय होनो लादोंमोनब्लाबो नाथाय गोजौ फाहामथाइनि थाखाय नलबरबरियाव दैथाइनाय जायो होन्नाने मिबथिना मोन्नाय जादों। मख'जाथावदि, बरबरि थानानि पुलिसआ जिउ फोजोब जानाय लाइमोननि गोथै सहखौ बोखांनो लायनाने जाथाइखौ नायबिरो आरो सन्देहजौं राजेश मगर आरो जौटिस मदाहिखौ हमनाय जायो होन्नाने मिबथिनो मोन्नाय जादों।□

### मे दाननि जागाय जेन्नायावनो...

बाध्रदि, सोलिफु बोसोरनि गोजौसिन गेजेरारि आन्जादआव गासै सा 2,80,216 फरायसाफोर आन्जादआव जिरायदोंमोन। गासै मोन 876 आन्जाद मिरुफोरव खुंफुंजानाय जोबथा आन्जादखौ फेब्रुवारि दाननि गेजेरनिफ्राय मार्च दानसिम खुंफुंनया जादोंमोन।□

### न'नि उसुडावनो थैजौं लुथुर-

### फुथुर थासारियाव गोथै ...

थासारियाव बोखांनो हानाय जाथायखौ लानाने सोमोनांनय थासारि सोमजिदों। लाइमोननि ख'रनि उनथिजाय जोखोम जानायनि दागो नुसन्नाने नख'रनि सुबुफोर बेखौ थुन्जलायनाने बुथारदों होन्ना सन्देह फोरमायदों। मख'नो गोनांदि, काटझार गामिनि खाथियावनो थानाय बंसिबारि गामिनि बाबुलाल हरिजन मुनि सुबुड काटझार गामियावनो गोदाने पाक्कानि न' लुफुंगासिनो दंमोन। नाथाय गोदाने लुफुंबाय थानाय न'नि उनथिजाय बाबुलाल हरिजननि गोथै देहाखौ बोखांनो हानायनि उनाव नख'रआव हालाय-हाफाय थासारि सोमजिजौं। सोरबा सिनाय मोनै दुथांआ खर'आव जोखोम खालामनाने जिउ फोजोबदों होन्ना नख'रनि सुबुफोरा सन्देह फोरमायदों। मोनायावनो जाथाय सालियाव गवईना पुलिस थानानि हान्जाया नुजाथि हैनाने गोथै देहाखौ बोखाडे। पुलिसनि नायबिजिरसंनायनि उनावसो जिउ गोमानायनि गुबै जाहोनखौ मिबथिनो मोनगोन। मख'नो गोनांदि, साननि समाव बाबुलाल हरिजनआ मिरुट्टीजौं खामानि मावफादोंमोन। मोनाबिलि समावबो गावनि न'आव थाडैलाय नख'रनि सुबुफोरा नागिरनाने गोदाने लुफुंबाय थानाय न'नि उनथिजाय थैजौं लुथुर-फुथुर जानाय थासारियावसो बाबुलाल हरिजननि गोथै देहाखौ बोखांनो हायो।□

## पाटेमाबाद साहा बागानाव जौ माफिया राजेश जालानआ गावनि

### गोहो-गोराखौ दिन्थिदों मन्दिरनि फुजारिआ केस थिसनबाय

सालबारि, 24 एप्रिल: जौ माफिया राजेश जालाननि हँथायै बे खेबाव मन्दिरनि पुजारिआ केस थिसबाय। बाक्सा जिल्ला सालबारि महकुमनि सिडव थानाय बासबारि पुलिस बादयाव पाटेमाबाद साहा बागान मन्दिरनि फुजारि चन्दन कुमार टिउवारिआ केस थिसनो। मख'नो गोनांदि, राजेश जालाननि दैदेनयाव बागान बिफानआ पाटेमाबाद साहा बागानाव लकआउट फोसावना होदोंमोन। जायखौ लानाने साहा खामानि मावग्राफोर गोखोडै हँथा सोमावसारनायजौं लोगोसे राजा लामायाव सोमावसारनो हुमखि होदोंमोन।

जौ माफिया राजेश जालानआ बिहारनिफ्राय लिंनो लाबोनाने गोबाव सान नाडै पाटेमाबाद साहा बागाननि मन्दिरनि फुजारि महरै बिबान होनाय चन्दन कुमार टिउवारिखौ मैया हरखाबै मन्दिरजौं लोगोसे थाखुलिनिफ्राय



ओंखारहोनायाव राहा गैयै जादों पुजारिआ। जायनि थाखाय दिने राजेश जालाननि हँथायै केस थिसनो। केस थिसनयाय समाव पुलिस बादानि लांगोनायाव बिजिरथायनि थाखाय खुद्रिखांनय फोरमायो आइजो साहा मावग्राफोर। मख'नो गोनांदि, राजेश कुमार जालानआ बागानखौ सामलायनो बिबान मोन्नायनि उनावनो साहा खामानि मावग्राफोर जेना-जेंसिजौं मोगा-मोगि जानायनि अजद

## दर-उदालगुरि बियाबआव सा 10 बिजाथिफोरा..

बिसायख 'थि बादायलायगोन आरो फेगौ 26 एप्रिलयाव खुंजानो गोनां बे बिसायख 'थियाव भटरनि बेसेन गोसा भटआ इधिएमआव जोबथेजागोन। बिजाथिफोरनि खाफाल सायख 'नायनि आन्जादयाव सोरहा खाफाल गोनां जागोन बेयो फेगौ 4 जुनखालि फिथाइ ओंखारगोननि उनावसो मिबथिनो मोन्नाय जागोन। मख'नो गोनांदि, बिजेपिनि दैदेनयाय जुथाय दोलो इडिपिपिएल आरो अरगनि बिजाथि दिलीप शइकिया, कंग्रेस दोलोनि बिजाथि माधव राजबंसि, बिपिएफनि दुगां दास बर'मोननि अनगायैबो गुबुन सा 7 बिजाथिफोरनि खाफाल सायख 'नायाव भटर राइजो-राजाफोर भट थुगोन। बेखेबनि बिसायख 'थियाव हौवाफोरनि सोलायै आइजो भटरफोरखौसो बिसायख 'थिनि मेलफोराव बाहागो लांफेनाय नुनो मोन्नाय जादों। मख'नो गोनांदि, बे बिसायख 'थियाव बियाबआव जर'खायै बिजेपिनि बिजाथि दिलीप शइकिया आरो बिपिएफनि बिजाथि दुगां दास बर'नि गेजेराव बिसायख 'थियारि बादायलायनाय जाहोन होन्ना सांग्रा राइजो-राजाफोर बिबुथि होलायदों। बावैसोयाव आसामनि गिबि मन्थ्रि ड हिमन्त बिश्व शर्माआ बिसायख 'थियारि बिबुथियाव बुंथिबोबाय थादोंदि, जौनि हान्जाया सनानि मेडेल मोन्दें। नैथि एबा थामथिआ दुगां दास बर' जानाय नड एबा माधव राजबंसिआ जागोन। बेखौ फेगौ 4 जुनखालि ओंखारनो गोनां फिथाइयावसो मिबथिनो मोनगोन।□

## दिल्ली एनसिआर बर' थुनलाइ आफादआ पद्मश्री बान्था मोनगिरि सर्वेस्वर बसुमतारिखौ ...

मोन्नो हायो। सर्वेस्वर बसुमतारिनि अनगायैबो आसामनि सानै सुबुफोर गुबुन गुबुन आयदायाव पद्मश्री बान्था मोन्नो हायो। दिल्ली एनसिआर बर' थुनलाइ आफादजौं बरायजानाने बिथाड गोजोन्नाय फोरमायो आरो साबायख 'र बाउवो। दिल्ली एनसिआर बर' थुनलाइ आफादनि सोद्रोमाफोरजौं सावरायनाय समाव बिथाड इयुन जोलैनि थाखाय बोसोन होनाने बुडोदि, खामानिया गिदिर फिसा गैया, जा खामानिखौ मावनो लादों बेखौ नांथाबनाने मावलांबाय थानांगो, समखौ माब्लाबाबो ओरिनो थांगाहोनो नाड। मानोना समखौ बायनाने मोना, अब्लानो जिउआव उथिसार जानो हायो होन्नाने बिथाड बुडे। दिल्ली एनसिआर बर' थुनलाइ आफादनि आफादगिरि ड निराला रमसियायनि दैदेनयाव आफादनि मोनसे थान्दे हान्जाया सर्वेस्वर बसुमतारिखौ आर'नाइजौं बरायो।□

### अ-बर' राइज्योनि जानाने खामानि मावगोन..

देकाखौ लाफानाने नब कुमार सरनियाआ राइज्योनि गेजेराव बिसायख 'थि फोसावदिडे। बेनि गेजेरावनो खौरंगिरिफोरजौं मोगा-मोगिआव सरनियाआ गुबुन राइज्योआव बिसायख 'थि गेलेनायनि थांखि लानायनि सोमोन्दे फोरमायनाने इडिपिपिएल आरो बिपिएफ दोलोखौ गोखौं रावजौं सौंखारियो। गावनि बिजाथिलाइ नेवसिजानायखौ लानाने दुखु मोन्ना जिगयनाने थानायनि सम नड होन्ना बे खेबनि बिसायख 'थिखौ मोनसे दावहाजौं रुजुनाने बे दावहायाव माब्लाबा साफा-सानैआ जोखोम एबा जिउ गोमोनो गोनां जायो होन्ना फोरमायो। नाथाय दावहाया जोबनाने थाड। बे दावहायाव सरनियाआ गावखौनो सान्थि गहाइ फोसावनाने बिनिता देकाखौ देहाहोनो थाखाय राइजो-राजाफोरखौ गोखोडै खामानि मावनो खावलायो। बिनिता देकानि 7 मेआव टर्स लाइटनि सावगारियाव भट होना देरहासार खालामनो थाखाय बयखौबो साखा-फारा जानो खावलायो।□

### दर-उदालगुरि बियाबनि बिजाथि दुगां दास


### बर'नि थाखाय हाग्रामा महिलारीनि बिसायख 'थि..

भट आजावनायाबो फेगौ 26 एप्रिलआव खुंजागोन। बे नैथि खोलोब बिसायख 'थिनि थाखाय बिसायख 'थि फोसावदिनायनि दिने जोबथा सानआव गुबुन गुबुन राजखान्थि दोलोफोरा जोबथा फोसावदिनाय हाबाफारि हिसाबै हान्जा सुरनाय, सुबु गोमा बायदि हाबाफारिजौं नैथि खोलोब बिसायख 'थिनि फोसावदिनायखौ फोजोबदों। बेबायदिनो दर-उदालगुरि बियाबआव बिपिएफ दोलोनि बिजाथि दुगां दास बर'खौ देहाहोनांगोन थिंखिजौं दिने बिपिएफ दोलोनि जोबथा बिसायख 'थि फोसावदिनायखौ सुबुलाइसेफां बिसायख 'थि सामलाय आफादनि बान्जायनायाव तामुलपुर जिल्लानि सिडव थानाय गेस्वरनि सुवाघाटपुरआव फोजोबदों। बे बिसायख 'थि फोसावदि हाबाफारियाव बिपिएफनि आफादगिरि एबा बिटिसिनि बारा' गहाइ खुंगिरि हाग्रामा महिलारीआ बाहागो लानाने बिपिएफ दोलोनि गोबां दैदेनगिरि, सोद्रोमा आरो हेफाजाबगिरि राइजो-राजाफोरनि गेजेराव बिबुथि लाखिनाने फेगौ 26 एप्रिलआव खुंजानो गोनां बिसायख 'थियाव नांगोलनि सावगारियाव भट होनाने दर-उदालगुरि बियाबआव बिपिएफनि बिजाथि दुगां दास बर'खौ देहासाव खालामनो खावलायो। हाबाफारि लोब्यायैनो खौरं बिजौनि सिगाडव बिपिएफनि आफादगिरि हाग्रामा महिलारीआ फोरमायोदि, दर-उदालगुरि बियाबआव बिपिएफ एबा बिपिएफनि बिजाथि दुगां दास बर'खौ हेफाजाव होनो थाखाय गुबुन गुबुन हारि माहारिनि दैदेनगिरि राइजो-राजा आरो गुबुन गुबुन आफाद गोथुमफोर हेफाजाव होनो ओंखारबोदों। बे हिसाबे दर-उदालगुरि बियाबआव दुगां दास बर'नि देहानाया 100 जौखोन्दो रोखा जानाने दड। बिथाड बुंवावोदि, बिपिएफ दोलोआ बिटिसिनि सिडव थानाय लकसभा बियाबफोरव 5 निफ्राय 6 लाखसिम भट मोनगोन आरो बिटिआरनि बाइजोआव 2 निफ्राय 3 लाख भटखौ मोनगोन। दर-उदालगुरियाव दुगां दास बर'आनो गोबां भटनि फारागथिजौं देरहानो थांगासिनो दड होन्नाने बिथाड फोरमायबावो। लोगोसे दुलाराय बर' फरायसा आफादनि आफादगिरि दिपेन बर'आ दिने मोनसे खौरंगिरि मेलनि गेजेरजौं दर-उदालगुरिनि बियाबआव एबसुआ उदाडै एनडिनि बिजाथिखौ हेफाजाव होनो फोसावनाय आरो बिटिआर गोरोबथानि दफाफोरखौ मावफुंनोनि सार्थआव एनडिनि बिजाथिनो भट होनो थाखाय राइजो-राजाफोरखौ खावलायनायनि सायाव हाग्रामा महिलारीआ बुडोदि, सिगां समनिफ्रायनो एबसुआनो इडिपिपिएल, इडिपिपिएलआनो एबसु महरै खामानि मावबोदों। बेयो गोदान बाध्रा नड। नाथाय दर-उदालगुरिनि बेलायाव एबसु आरो इडिपिपिएलनि भटरफोरा बिजेपिनि बिजाथिनो भट होनाय नड। बिसोरो सिंजौं-सिं नांगोलनो भट होगोन। एबसुआ दर-उदालगुरिनि बेलायाव बिजेपिखौ सायावल' मदद होदों, नाथाय सिंजौं-सिं नांगोलनोसो भट होगोन। बे बाध्राखो बिजेपिनि दैदेनगिरिफोरबो मोजाडे मिबथिगौ होन्नाने हाग्रामा महिलारीआ खौरं बिजौनि सिगाडव बुंथियो।□

गौथुमयारि गहाइ बिबानगिरिनि मेल जथुमसालियाव मैया लेबार, लेबार बिफाननि कमिसनार आरो राजेश कुमार जालाननि गेजेराव मोनसे खुंनो खावलायदोंव्लाबे जथुमनि सिगां खामानि मावग्राफोर राजेश कुमार जालानखौ लकआउट मानो होखो, पिएफनि धोनआ मावयाव, आद्रा थानाय धोनखौ मानो गथायखे होन्ना फिन्नाय होनो हायैआव बे जायगाखौ जालानआ नागारलाडे। जायखौ लानाने फिन खामानि मावग्राफोर खुद्रिखानाने हँथा सोमावसोरो। अजद बायदिदे राजेश कुमार जालानआ 5 स्टार हटेल लुनो थांखि लादों पाटेमाबादा साहा बागानाव। फारसेथि, मंगलबारखालि राजेश जालानआ खामानि मावग्राफोरखौ सोबख'नायनि सोमोन्दे खौरं बिजोडव खौरं फोसावजानायनि उनावनो लेबार बिफानआ बागानखौ खुलिनायनि बिथान होयोव्लाबे जेबो गोनांथि होयाखे बागाननि खुंथायगिरि राजेश जालानआ।□

## सासे हिन्जावसाया आइएस जानो नाजानानै सासे गाहाइ फावखुगि जादोंमोन

बलिउड स्टारफोरा गावसोरनि स्टाइल, समाइना आरो जर 'खा स्टाइलजों लाख-लाख सुबुफोरनि गोसोखौ दोहो खालामो। हास्थायगिरिफोरा गावसोरनि मोजां मोनजासिनाय स्टाफोरखौ औरैबादि मोजां मोनोदि, बिसोरनि मोनसे नुथायखौ नायनो गोसो गुदु जायो। नाथाय नोंथाड नोंथानि मोजां मोनसिनाय स्टाफोरखौ बिसोरनि उन्दै समनि सावगारिखौ नायनानै सिनायनो हागोन नामा ? दिनें जों नोंथानि थाखाय सासे फावखुगि उन्दै समनि सावगारि लाबोदों जायखौ नुनानै नोंथाड थारैने



### महनलालनि मोसानायव किंग खानआ सोमोनादों



साउथनि सुपरस्टार महनलालआ बावैसो कच्चिआव मोनसे सावथुन बान्था हाबाफारिनि समाव शाहरुख खाननि सावथुन 'जवान' नि मेथाइ 'जिन्दा बान्दा' जों जोबोर मोसादोंमोन, जाय आथिखालाव बे भिडिआ सारिनि खौरांआव दं। बे भिडिआ 'आव नुनो मोनोदि, माबोरै महनलालआ गावनि सोमोनांथाव मोसानायजों बयखौबो सोमोनाहोदोंमोन। बेनो जाहोनि, समाजारि बिजोडव महनलालनि बे मोसानाय भिडिआ आ आथिखालाव जेरावबो सेबखांजानाय। बे मेथाइयाव महनलालनि मोसानायखौ नुनानै हास्थायगिरिफोरा सोमोनादों। आथिखालाव बावैसो बिथाड दुइटरआव मोनसे पस्ट शेरार खालामनानै महनलालनि बे मोसानाय भिडिआ नि सायाव गावनि फिनजाथायबो होदों। महनलालनि बे मोसानाय भिडिआ 'खौ अन्सायगिरिफोरजों शेरार खालामनानै शाहरुखआ महनलालखौ बाखायदों आरो बिथांखौ ' अ.जि.जिंदा बान्दा' बुंदोंमोन। बिथाड लिरदोंदि, बे मेथाइखौ आनि थाखाय आरोबाव जुनिया खालामनानयनि थाखाय साबायखर सार। आं हागौमोनदि नोंनि बायदि खायसे मोसानो नाजागौमोन। आथिखालाव शाहरुखनि बे पस्टआ सशेल मिडियायाव गोखेये भाइरेल जानो हमदों। बेजों लोगोसे महनलालआबो शाहरुख खाननि बे टुइटरनि फिननाय होफिनदों। बिथाड पस्टखौ शेरार खालामना लिरदोंदि, 'प्रिय शाहरुख खान नोंनि बायदि रावबो मावनो हाया। नोंथाड नोंथानि क्लासिक, रुजुजायै स्टाइलआव सासे असे गोथौ सुबु आरो अरायबो थागोन। नोंथानि अनसुला सोदोबफोरनि थाखाय साबायखर। बेनि उनाव बिथाड लिरदोंमोनदि, मोनानि ओंखामल'? फुनि जानानयनि समाव मानो 'जिन्दा बान्दा' आव मोसाया ? शाहरुख खाननि सावथुन जवानआ थानाय बोसोरनि 7 स्पेम्बराव रिलिज जादोंमोन। बे सावथुनाव नयनतारा, दीपिका पादुकण, भिजय सेतुपति, लेहर खान, गिरिजा अक, प्रियमणि, सान्या मल्हत्रा, रिद्धि डगरा आरो सन्जिता भट्टाचार्यबो दंमोन। सावथुना नायगिरिफोरजों गोबां अन्सायनाय मोन्दोंमोन। बे सावथुना बक्स अफिसआव 1160 कौटि रं आर्जिनानै गोबां रेकर्ड सिफायदोंमोन।

### बक्स अफिसआव बड़े मिया छटे मिया आरो मैदान सावथुननि जाहोनआव कुआ मुलुगनाडैने गोबां कौटि रं आर्जिदों

बक्स अफिसआव बड़े मिया छटे मिया आरो मैदानआ आबु जानानै दं। अक्षय कुमार आरो अजय देभगनआ इदआव गावसोरनि सावथुनफोरखौ ज' खालामदोंमोन। बबेखानि बड़े मिया छटे मिया आरो मैदान मोनैनिबो फालांगिया गाजि रोखोमै सहायनादों। बे समावनो हन्जानि सोद्रोमाफोरखौ खाबुनि मुलाम्फा लानाय नुनो मोन्दों। करीना कापुर, तबु आरो कृति सेनन स्टाार कुआ मार्चनि जोबनायाव फोसावनाय जादोंमोन। सावथुना मोजाडै आरजिगासिनो दं नाथाय बड़े मिया छटे मिया आरो मैदाननि गिथावनाया फेगासिनो दं। हन्जानि सोद्रोमाफोरा बक्स अफिसआव फालांगि खालामनो जोबोद बाडइ सम मोनदों। रिलिजनि सानैसो उनाव बड़े मिया छटे मिया आरो मैदानआ गोबां कौटि रं आर्जिदोंमोन। हन्जानि सोद्रोमाफोरा



गावसोरनि फालांगिनि गेजेराव बबेयावबा गोमादोंमोन। बबेखानि लासे-लासे बैफोर सावथुनफोरनि बुथुमनायाबो

### प्रीति जिन्टाया गावनि डिम्पल मिनिनायखौ

फावखुगि प्रीति जिन्टाया सावथुन 'दिल से' जों गावनि जिउ राहाखौ जुरिजेन्दोंमोन आरो बलिउडनि सासे मुंदांखा फावखुगि जादोंमोन। बिथाड बलिउडआव मोनसेनि बांसिन सावथुन खालामदों, जायनि गेजेराव 'दिल चाहता है', 'कल हो ना हो', 'वीर जरा', 'कभी अलविदा ना कहना' बायदि गोबां हिट सावथुनफोर दं।

जुदि नोंथाड दासिमबो बेखौ सिनायाखै अब्ला फे जों नोंथानो फोरमायनो बै फावखुगिया सोर। सावगारियाव नुजानाय बे हिन्जावसाया रावबो नड नाथाय फावखुगि राशि खान्ना। राशी खान्नाखौ बावैसो सिद्धार्थ मल्हत्राजों सावथुन 'योधा' आव नुनो मोन्या जादोंमोन। गावनि गोब्राब नाजानाय आरो बावसोमनायजों फावखुगिया गावनि फावदिन्थिनय गोहोखौ

### बलिउडनि सासे फावखुगिया भरुन धवननि थाखाय फाठिलमोन

फावखुगुर भरुन धवनआ गावनि मोजां नुथायनि थाखाय मिथिजायो आरो फावखुगुरहा लाख-लाख अन्सायगिरिफोर दं। दिनें फावखुगुरआ गावनि 37थि जोनोम सान फालिदों। बे जर 'खा फालिथायाव नोंथानि थाखाय फावखुगुरजों सोमोन्दो गोनां मोनसे गोसो बोनो हाथाव सल' लाबोदों। फावखुगुर भरुन धवनआ बांसिन बलिउडनि गाहाइ फावखुगिजों मोजां मोनजादोंमोन आरो बिथाड फावखुगुरनि फारसे गावनि मोजां मोन्यायखौ फोरमायदोंमोन नाथाय फावखुगुरआ बिथांनि थांखिखौ रोखायै नेवसिगारदोंमोन। बे फावखुगिया श्रद्धा कापुरमोन। बलिउडनि समाइना फावखुगि श्रद्धा कापुरआ बे सल 'खो गावनो फोसावदोंमोन, बेबो मोनसे टि.भि. रि ये'लिटो स्व 'आव, जेराव सानैबो गावसोरनि सावथुनखौ फोसावनो थाखाय ज' जादोंमोन। श्रद्धा कापुरहा गोबां अन्सायगिरिफोर दं आरो सुबुफोरा बिथांखौ समाइनाजों लोगोसे फाव खालामनानयनि थाखायबो मोजां मोनो। बिसोर सानैबो जयै फराययोमोन आरो सावथुनफोर सेबखांनयनि

फोरमान खालामदों। राशीनि फाव खालामनानयनि सोमोन्दै बयबो मिथियो नाथाय जोबोद बाडइ सुबुफोरा मिथिगौदि, राशीआ फाव खालामनायल' नड नाथाय फरायनायावबो जोबोद मोजांमोन। बिथांजोआ 12थि थाखोयाव टपारबो जानो हादोंमोन। राशीआ फरायनायाव औरैबादि मोजांदि, बियो सिमां नुदोंमोनदि, बियो सासे आइएस मावख 'गिरि जागोन नाथाय खाफाला सोलायदोंमोन। बिथांजोआ थिरांथा लादोंमोनदि, बियो आइएस आन्जाद होगोन नाथाय माबा मोनसे जादोंमोन आरो दिनें बियो सासे फावखुगि जायो। राशी खान्नाया गावनि जिउ राहाखौ जन आब्राहमनि सावथुन 'माद्रास केफ' जों

जुरिजेन्दोंमोन। बे सावथुनाव बिथांनि आखुआ फिसामोनब्लाबो सुबुफोरा बेखौ जोबोद मोजां मोनो। बेनि उनाव राशीआ 'विलन' सावथुनजों मालायलम सावथुन मुलुगाव बयनिबो गोसोखौ जै खालामदों। एखे समावनो फावखुगिया शाहिद कापुरजों लोगोसे वेब सिरिज 'फरजी' आव गावनि साबसिन फावदिन्थिनय रोंग 'थिखौबो दिन्थिदों। राशी खान्नाया सावथुनफोरजों लोगोसे समाजारि बिजोडव जोबोद सांघ्रां आरो गोबां समावनो माखासे पस्टारफोर शेरार खालामो। जेराव बिथाड गावनि रलेमारस आरो समाइना सावगारि फोर जों अन्सायगिरिफोरनि गोसोखौ जै खालामो।



जाहोनाव बिसोरो गोबां खेब गावनि बिमा-बिफाजों थाडोमोन। जेब्ला सानैबो ज' थादोंमोन अब्ला बेयो रोखोमसेमोन। श्रद्धाया भरुनखौ मोजां मोनो आरो बिथांनो बेखौ खोन्थानो गोसो जायो। बेबादि थासायिथाव बियो गावनि गोसोखौ थि खालामदोंमोन आरो भरुनखौ हाजोआव लादोंमोन नाथाय बै समाव फावखुगिया गिनानै बुनायसैदि, आं नोंखौ मोजां मोनो। फावखुगिया बुडैदि, 'आं भरुनखौ बुंदोंमोनदि, आं माबा मोनसे बुं'गोन नाथाय आं गिदोंमोन आरो उल्था बुंदोंमोन। आं बुंदोंमोन नों आंखौ मोजां मोनो। आं सानदोंमोन बियो आंनो फिननाय होगोन। फावखुगिया मोनथाम जादुआरि सोदोबफोरखौ खोनासंनो थियायिमोन नाथाय भरुना बिथांखौ हाया होना बुंदोंमोन आरो बेबो थोंजोडैमोन। जेब्ला

श्रद्धाया बयनिबो सिगाडव बे बाथाखौ बुंदोंमोन अब्ला धवनआ बुंदोंमोनदि, बिथाड सानोमोनदि श्रद्धाया बिथांखौ थगायगासिनो दंमोन। बेनिखायनो बिथाड नेवसिगारदों। भरुना बेखौबो बुंदोंमोनदि, बै समाव बिथांआबो श्रद्धाखौ मोजां मोनोमोन। श्रद्धा कापुर, भरुन धवन आरो टाइगर श्रफआ समान थाखौनि फरायसाफोरमोन। टाइगरआबो श्रद्धाखौ जोबोद मोजां मोनो। नाथाय बै समाव बे साथामबो गथ'मोन बेनिखायनो जेबो गोनाथि गैयामोन। श्रद्धा कापुर आरो भरुन धवनआ गोबां सावथुनफोराव जयै खामानि मावदों। सानैबो 'ए.बी.सी.डी. 2', 'नवाबजादे' आरो 'स्ट्रीट डान्सार 3डी' बायदि सावथुनफोराव जयै नुजाथिदोंमोन आरो सुबुफोरा सानैनिबो जरा 'खौ जोबोद मोजां मोनो।

## गाहाम देहानि राहा

### उदैयाव जमा जानाय मैलाखौ बोखारनो थाखाय उदै खालियाव आमलखनि साहा लोंनांगौ

जुदि नोंथाड देहाखौ मोजाडै लाखिनो लुबैयो, अब्ला सम-सम देहाखौ डिटक्स खालामनाया गोनाथि जायो। गोबां समावनो जानानयनि थाखाय आरो गोबाव समसिम उदैखौ साफा खालामनि जाहोनाव उदैयाव मैला जमा जानो हमो। बिनिखायनो दानसेआव 1-2 खेब उदैखौ साफा खालामनांगौ। उदैखौ साफा खालामनो आरो उदैनि सिखव थानाय मैलाखौ बोखारनो थाखाय नोंथाड आमलाइनि साहा लोंनो हायो। आमलाइखौ सावसिनि थाखाय सुपारफुड मानिनाय जायो। भिटामिन-सीजों बुंफननाय आमलाइया मेगन, खानाय आरो बिगुरनि थाखाय मुलाम्फा गोनां। जुदि नोंथाड सामफ्रोमबो फुडव आमलाइनि साहा लोडे अब्ला बेयो नोंथानि देहाखौ साफा खालाम हागोन आरो उदैयाव थानाय गासैबो मैलाफोरखौ बोखारनो हागोन। आमला साहाया देहाखौ आबुडैडिटक्स खालामनो खामानि मावो। आमलाइ साहा बानायनो थाखाय मोनसे पेन (टिफिन) लानांगोन। पेनयाव 2 काप दै ला आरो जेब्ला दैया गुदुजायोब्ला एसे हायजें गलायना लानागौ। नोंथाड लुबैयोब्ला बेयाव माखासे बेसिल बिलाइफोर होफादेर।



दानिया नोंथाड साहायाव 1 सामुस गोरान आमलाइ गुन्दैखौ होफानांगोन। नोंथाड बेयाव बेरे मोदै होफानो हायो। आमलाइनि साहा लोंनायजों गोबां मुलाम्फा मोनो हायो, बेफोर जाबाय जैरे-

1. मेटाबलिजमआ गोखै जागोन: लिरथाय खमायनो थाखाय नोंथानि मेटाबलिजमखौ गोखै खालामनाया गोनांथा। जेब्ला नोंथाड आमलाइ साहाखौ थाद'यै लोंबाय थायो अब्ला मेटाबलिजमआ गोखै खामानि मावो आरो देहाया मोजाडै थायो। आमलाइ साहा लोंनाया गोखै लिरथाय खमायहोयो। बेयो उदैयाव थानाय मेजेमखौबो बाडइ खालामो। 2. हजम खालामनायखौ गोखों खालामो: आदाराव जायखिजाया रोखोमै आमलाइखौ लाफानाया जाग्रा खांथिखौ गोखों खालामो। जुदि नोंथाड फुंआव आमलाइनि साहा लोडे अब्ला बेयो कनस्तेजेशन आरो हजम जानाय बायदि जाग्रा आदारनि जेंनानि जाहोन जाया। सानफ्रोमबो आमलाइनि साह लोंनाया डाइजेशनखौ साबसिन खालामनायजों लोगोसे लिरथाइखौबो बाडइ खालामो। 3. डाइबिटिस बेरामखौ सामलायनाय: आमलाइनि साह लोंनाया ब्लाड सुगारखौ दवथायनायाव मदत होयो। आमलाइयाव एन्टी-डायबेटिक गुनफोर थायो, जाय ब्लाड सुगारनि थाखोखौ सरासनसा लाखिनायाव मदत खालामो। सानफ्रोमबो आमलाइनि साहा लोंनाया डाइबिटिस बेरामिनो मुलाम्फा होयो। 4. होवथानो हनाय गोहोखौ बांहोयो: देहायाव भिटामिन-सीनि बिबाड मोजां जानांगौ आरो आमलाइयाव गोबां भिटामिन-सी मोन्याय जायो। बेनि अनगायैबो गोबां निउट्रियेन्टफोर मोन्याय जायो, जाय बेराम होवथानायखौ बांहोयो। आमलाइनि साहा लोंनाया देहाखौ सन्देरनायनिफ्राय रँखा खालामनायाव मदत खालामो।

### धर्मेन्द्रआ मोनसे समाव हेमा मालिनीनि

#### राजखान्थियारि जिउ राहाखौ गनायथियाखैमोन



हेमा मालिनीआ सावथुनजों लोगोसे राजखान्थि मुलुगाव गोबां मुं आरजिनो हाबाय। 75 बोसोर बैसोआवबो फावखुगिया सांघ्रांयाव दं। बबेखानि बिथांनि राजखान्थियारि जिउ राहाया धर्मेन्द्रनि थाखाय गनायजाथाव नडमोन। हेमा मालिनीआ मोनसे मोगा-मोगियाव फोरमायदोंमोनदि, धर्मेन्द्रआ राजखान्थियाव हाबनायनि थिरांथानि मदतआव गैयामोन। धर्मेन्द्र आरो हेमा मालिनी सानैबो सावथुननि उनाव राजखान्थियाव आखाय होनो नाजादोंमोन आरो जाफु'सारदोंमोन। नाथाय सावथुनफोराव मुखब जानानयि जाहोनाव धर्मेन्द्र आ राजखान्थियाव बारा सम होनो

हायाखैमोन। बे समावनो, हेमा मालिनीआ दासिमबो सांघ्रांयाव दं। हेमा मालिनीआ बिसायख'थि गेलेनो थिरांथा लानानयनि सायाव धर्मेन्द्रनि फिनजाथायनि बादै बुंदों। निउज 18 जों मोनसे मोगा-मोगियाव, फावखुगिया बुंदोंदि, धरमजीआ बेखौ मोजां मोनाखैमोन। बिथाड आंखौ बिसायख'थि गेलेनो थिनामोन मानोना बेयो जोबोद गोब्राब खामानिमोन। आं बेखौ मोनदांबाय। बेयो मोनसे गोब्राब खामानि। आं सान्दोंमोनदि, आं बेखौ मोनसे चेलेन्ज महरै लागोन। बिथाड मोनसे जेंनाजों मोगा-मोगि जानादोंमोन मानोना बिथाड गोबां दावबायनो गोनां जादोंमोन नाथाय थेवब्लाबो बिथाड गोबां खामानि मावदोंमोन। धर्मेन्द्रनि

### गोसारहोने थाखाय फेफिनबाय

सावगारिफोर शेरार खालामदों आरो अन्सायगिरिफोरनो बे मोजां खौरांखौ होदों। फावखुगिजों शेरार खालामजानाय गिबि सावगारिया सावथुननि क्लैप बर्डनि जेराव 'लाहौर 1947' लिरनाय दं। एखे समावनो फावखुगिया राजकुमार सन्तषीजों माखासे सावगारिफोरबो शेरार खालामदों, जेराव सानैखौबो मिनिनाय आरो पज खालामनाय

नुनो मोन्दों। आथिखालाव फावखुगिनि बे सावगारिफोरा सशेल मिडियायाव गोखेये भाइरेल जानो हमदों। सानि देवलआ बे सावथुनाव गाहाइ फावआव दं बेनिखायनो अन्सायगिरिफोरा गोबाव समनि उनाव फिन खेबसेबाव प्रीति जिन्टा आरो सानि देवलखौ फेसालियाव नायनो थाखाय जोबोद गोसो गुदु नुनो मोन्दों। प्रीति आरो देवलआ बेनि सिगां

'हीर': लव स्टरी अफ ए स्पाइ', 'फर्ज' आरो 'भैयाजी सुपारहिट' बायदि सावथुनफोराव जयै खामानि मावदोंमोन। प्रीतिखौ जोबथा खेब 'भैयाजी सुपारहिट' आव नुनो मोन्याय जादोंमोन। बे सावथुना 2018 माइथायाव फोसाव जादोंमोन। बेबादि थासायिथाव फावखुगिया 6 बोसोरनि उनाव फिन खेबसेबाव गावनि फाव खालामनायखौ दिन्थिनो फेगोन।

# रिलाइन्स इन्डस्ट्रीसआ 4 थि 3 दाननि फिथाइखौ फोसावदों

**गोदान दिल्ली, 24 एप्रिल :** रिलाइन्स इन्डस्ट्रीसनि फारसेनिफ्राय थानाय सानफोरव 4 थि 3 दाननि फिथाइखौ फोसावदों। बेनि उनाव मंगलबारखालि कम्पानीनि शोयारआ बायो। अइल 2 टेलिकम युपनि नेट प्रफिटआव गासै 2 जौखोन्दो दावखलायनाय फेदों। सानसे सिगां थानाय मंगलबारखालि फालांगियारि जथुमा जागायनायाव शोयारव दावखलायनायखौ नुनो मोन्दों। फालांगियारि जथुमा जोबनायाव शोयारआ 42 रां दावखलायनाय 2981 राडव बन्द' जायो। शोयारव दावखलायनाया बै समाव जायो, जेव्ला 4 थि 3 दाननि गेजेराव फिथाइफोरनि दावखलायनायखौ सिगाडववो हमादोंमोन। रिलाइन्स



इन्डस्ट्रीसनि आधिखालनि फिथाइखौ फोसावनायनि उनाव बांसिन शोयार ब्रकरेज कम्पानीफोरा टार्गेट प्राइसखौ बांहोना होदों। सुलुनि बायदिव्ला कम्पानीनि मेनेजमेन्टआ इयुनाव केपिटेल एक्सपेन्डिचर आरो

टेलिकम टेरिफखौ बांहोना हागौ। मोनसे रिपर्टआव रिलाइन्सनि खरसाया मार्च दानसिम। थानाय 3 दाननि गेजेराव गोबां खम जादों होन्ना फोरमायदों। बेनिफ्राय हमादोंनो हायोदि, इयुनाव बेनि बोसोरारि

खरसाया गासै 1.2 लाख राडव थाहैनो हागौ। बेनि गेजेरजों मोनसे ब्रकरेज फरमआ अइल, गेस आरो रिटेल सेक्टरआव दिदोमथि सोमजिनो हागौ होन्ना बुंदों। अदेबानि जिय' टेरिफ बांनयजों फाइनान्सियल एयार

2025-26 आव रंखान्थियारि खामायनाया 2-5 जौखोन्दो बांनयजों लोगोसे शोयारनि टार्गेट प्राइसआ 8 जौखोन्दो बांनानै मोनफ्राम शोयारव 3,200 रां खालामदों। रिलाइन्स इन्डस्ट्रीनि दिदोमथि आय आरो पजिटिभ एफसिएफएफजों लोगोसे गाहाम थासारियाव दड। गुबुन हादतयारि ब्रकरेज कम्पानी जे फरिजआ रिलाइन्स इन्डस्ट्रीसनि थाखाय टार्गेट प्राइसखौ बांहोना 3,380 रां खालामना होदों। सिगाडव बेयो 3140 रांमोन। बेनि गेजेरजों जे फरिजआ फेगौ रंखान्थि बोसोराव कम्पानीनि इभिआइटिडिआव 14 जौखोन्दोसिम बांगोन होन्ना गनायना लादों। बेनि जाहोनाव जियनि फारसेनिफ्राय टेरिफ बांहोनाय थांफिखौबो फोरमायदों। इउभिएसआ रिलाइन्स इन्डस्ट्रीसनि शोयारव 3,420 रांनि टार्गेट प्राइस लाखिदों।

# आमेरिकानि उनाव दरसे हादरा इउक्रेनखौ हेफाजाब होनो सिगांबोदों

**जेरुजालेम, 24 एप्रिल:** रासिया आरो इउक्रेननि गेजेराव दावहाया सोलियासिनो दं। आमेरिकानि मदतनि उनाव ब्रिटेनआबो इउक्रेनखौ मदत खालामनो सिगांबोदों। ब्रिटेनआ इउक्रेननो गोदान रौनिया जगायनायाव 620 मिलियन डलारनि उफ्रा रां होनो खोथा होदों। ब्रिटेननि फोसावनाया रासिया-इउक्रेन दावहाया थामथि बोसोराव आगान होबाय आरो इउक्रेनआ रासियानि रौनियाफोरखौ सान्जा सिमायाव दावगालानायनिफ्राय होबथानो जुजिगासिनो दं। ब्रिटिश गाहाइ मन्थि ऋषि सुनकआ मंगलबारनि फुंआव इउक्रेननि हादरगिरि भल'दिमिर जेलेन्स्कीजों हेफाजाब होनायखौ रोखा खालामनो रायज्जलयदों आरो बिथानो रासियानि अनागार आरो फेहेरथायबादि थांफिफोरनि बेरेखायै इउक्रेनखौ रैखा खालामनो ब्रिटेननि गोखों मदतनि खोथा होदों। बे फोरमायथिखौ सुनकनि



मावख'आ होदों। ब्रिटिश गाहाइ मन्थि ऋषि सुनकआ इउक्रेननो बांसिन हेफाजाब होनो थाखाय गुबुन गुबुन देदेनगिरिफोरखौ लोगो हमनो वारस'याव दावबायगासिनो दं। गावनि दावबायनायनि सिगां इउके सरकारा बुंदोंमोनिदि, सुनकआ गोदान रौनिया जगायनायाव 500 मिलियन पाउन्ड (620 मिलियन, 580 मिलियन इउर') फोसावगोन। बेयाव 400 गारिफोर, 60 नावफोर आरो गुबुन आगजुफोर दं। बेयाव गोलाव जान्थायनि 'ब्रिटिश स्टर्म शौड' मिसाइलफोरबो थागोन, जायनि सिमाया 150 माइलसो आरो रासियानि थांफिफोरखौ

सौग्रावनायाव गोहोम गोनां फोरमान जादों। ब्रिटेननि गाहाइ मन्थि ऋषि सुनकनि मावख'आ बुंदोंदि, 'हादरगिरि गेलेन्स्कीआ ब्रिटेननि अरायसम मदतनि थाखाय गाहाइ मन्थिखौ साबायखर बावदों आरो बुंदोंदि, गोदान रौनिया हेफाजाबआ गावसोरनि हादरखौ रैखा खालामनो थाखाय सिगांनि सारियाव नांग्रा सरासनस्त्रा इउक्रेननि सुबुंफोरनि थाखाय मोनसे मख'जाथाव फाराग लाबोगोन। बावैसो आमेरिकानि हाउस अफ रिप्रेजेन्टिभआ इउक्रेननि थाखाय 61 बिलियन आमेरिकान डलारनि हेफाजाबखौ गनायथि होदोंमोन।

# भारतनि मस्त वान्टेड सलाउद्दिनखौ फिन पाकिस्तानआव नुनो मोन्दों



**गोदान दिल्ली, 24 एप्रिल:** हिबुल्ला मुजाहिदीनि चिफ आरो ग्लबेल टेरिस्ट सैयद सलाउद्दिनखौ फिन खनसेबाव पाकिस्तानआव नुनो मोन्दों। बिखौ पिअके नि मुजफ्फरबादआव नुनो मोन्दों। थानाय 20 एप्रिल 2024 खालि मोनसे जलसेआ बाहागो लानो थानाय समाव सैयदखौ मुजफ्फरबादआव नुनो मोनो। बेनि सिगांबो भारतनि मस्त

वान्टेड सैयदखौ पाकिस्तानआव नुनो मोन्दोंमोन। थानाय बोसोरनि फेबुवारीयाव सैयद सलाउद्दिनखौ पाकिस्तानआव बे समाव नुनो मोन्दोंमोन, जेव्ला पाकिस्तान सरकारनिफ्राय मोन्नाय स्कुरिटिनि गेजेराव लाहरआव खुंनय मोनसे जनाजेयाव बाहागो लादोंमोन। बे जनाजया हिजबुल्ला उतखारि बसिर आहमेद पिरनिमोन।

मख'जाथावदि, सैयद सलाउद्दीनआ इनाइटेड जिहाद काउन्सिलनिबो गाहाइ। बे कौन्सिल आइएसआइनिफ्राय देदेनजाहरनाय जिजहादि उतखारि गुपफोरनि गेजेराव मोनसे। बे उतखारि आफादिन थांफिखाय जम्मु-काश्मीरखौ पाकिस्तानआव लाफानो रादाय खाहोनायनि। सलाउद्दिनआ भारतनि एनआइनि मस्त वान्टेड

फारिलाइयाव दंफायो आरो आमेरिकानि गुबुन हादतयारि बिफानआबो बिखौओ मुलुगनि उतखारि फारिलाइयाव दोनफादों। सैयद सलाउद्दिनआ 1990 नि सिगां काश्मीरआव युशुफ शाह मुडै मिबथिजायोमोन आरो बियो 1987 माइथायाव मुस्लिम इउनाइटेड फ्रन्टनि टिकेटजों जम्मु-काश्मीर बिधानसभानि बिसायख'थिबो बादायदोंमोन। 5 नभेम्बर, 1990 आव युशुफ शाहआ सैयद सलाउद्दिन जायो। सिमना बारनानै पिअके नि मुजफ्फरबादआव बियो सौहैयो आरो हिजबुल्ला मुजारिदिन मुनि मोनसे आफाद दानानै जम्मु-काश्मीरआव उतखारिनि हाबाफारि माववो हमो। भारतआव जानाय गोबां उतखारि गार्लोबनायफोरव बियो लोब्बा दंफायोमोन। पठानकट एयारबेसआव गार्लोबनायनि आन्दोआवबो बिनि आफाद इउनाइटेड जिहाद काउन्सिलनिनो आखाय दंमोन। जेश-ए-महम्मदआबो सैयद सलाउद्दिन नि आफादिननो बाहागो।

# आमेरिकाया पाकिस्तानखौ मदत खालामनाय चीननि गं 3 कम्पानीखौ होबथाबाय

**गोदान दिल्ली, 24 एप्रिल:** पाकिस्ताननि बेलिस्टिक मिसाइल प्रग्रामआ गिदिर सोमोनाडे। आमेरिकाया चीननि मोन 3 आरो बेलासुसनि गंसे कम्पानीनि सायाव पाकिस्ताननि मिसाइल प्रग्राम थियारिआव मदत खालामनायनि दायआव होबथायो। मिसाइल प्रग्राम केसआव आमेरिकानि गुबुन हादतआरि बिफाननि लेडाइ बुंथिगिरि भेदान्त पाटेलआ बुंदोंदि, फंसथानफोर जुथाइयै सिलिंखार खालामनाय आरो हाथियारफोरखौ दैबायग्रा आरो बेखौ रान्ना होग्रानि बिजोंमोन, बेनिखायनो बेनि सायाव होबथानाय जादों। बेबायदि फोसावनाय नेटवार्क आरो हान्जायारि फोजोबसंग्रानि हाथियार बायनायनि हेथायै गावसोर गोखों नायबिजिरलांबाय थागोन। बिथाड बै गासिबनोबो



सांग्रांथि होयोदि, जाय इगनजों फालांगिआरि रादाय खालामनायनि सायाव सानखंदों बिसोर इयुनाव होबथानाय आरो गोखों नायबिजिरनायनि थाखाय थियारि जाना थानांगोन। मख'जाथावदि, आमेरिकया बावैसो सिगां चीननि गं 3 आरो बेलासुसनि गंसे कम्पानीखौ होबथादोंमोन। बेफोर कम्पानीआ पाकिस्ताननो बेलिस्टिक मिसाइलनि मुवाफोरखौ जगायना होनो थाखाय आमेरिकया

होबथादों। चीननि जाय गं 3 कम्पानीखौ आमेरिकाया होबथादों बेफोर जादों लंडे टेक्नल'जी डेभेलपमेन्टनि शि, तियानजिन क्रिएटिभ सर्स इन्टरनेसनेस ट्रेड आरो ग्रामपेक्ट कम्पानी लिमिटेड। चीननि अनगायै बेलासुसनि मिस्क व्हील ट्रेक्टर प्लान्ट कम्पानीखौबो होबथादों। मेथ्युआ बुंदोंमोनिदि, बेफोर कम्पानीखौ गोखों सिलिंखार खालामग्रा हाथियारफोरखौ बानायनायाव

थाफानाय मोन्दों, जायखौ लानानै नायबिजिरनाय जादों। आमेरिकानि गुबुन हादतयारि बिफाननि फारसेनिफ्राय बुनाय जादोंमोनिदि, चीननि कम्पानी ग्रानपेक्ट कम्पानी लिमिटेडआ पाकिस्तानआव गोदान जान्थाइनि बेलिस्टिक मिसाइल बानायनो नागिरनाय आफाद नेशनल डेभेलपमेन्ट कमप्लेक्सनो फिलामेन्ट विंडिं मेसिन जगायना होदोंमोन। बे मेसिनखौ स्केट मटरआव बाहायनाय जादोंमोन।

# नैथि खोलोबनि बिसायख'थि फोसावदिंआ दिने जोबथाबाय

**गोदान दिल्ली, 24 एप्रिल:** लकसभा बिसायख'थिनि नैथि खोलोबनि फोसावदिं खालामनाया दिने मोनाबिलि समाव जोबथायो। फेगौ 26 एप्रिलखालि दर 13 राइज्योफोरनि मोन 89 बियाबफोरव नैथि खोलोबनि बिसायख'थिआ खुंजागोन। गाहाइ मन्थि नरेन्द्र मदिआ नैथि खोलोबनि बिसायख'थि फोसावदिंनि जोबथा सान थामहिना दिने छत्तिगडु आरो मध्य प्रदेशआव बिसायख'थि रेलिफोरव बिबुंथि लाखियो। कंग्रेसनि देदेनगिरि राहुल गान्धीआ महाराष्ट्रआव बिसायख'थि फोसावदिं



खालामो। फारसिंथि मिरुनि नख'र मन्थि अमित शाह आरो कंग्रेसनि गाहाइ नेहाथारि प्रियंका गान्धी बिथामोनाहोबो गाव गावनि हान्जानि थाखाय फोसावदिं खालामहैयो। गाहाइ मन्थि नरेन्द्र मदिआ बेदुलनिफ्राय गोखों रेलिनि हाबाफारियाव बाहागो लादों। बेनि

अनगायै गोजाम भुपालाव खुंनय मोनसे रड स्व'आवबो बाहागो लायो। बे हाबाफारिया मोनाबिलि समाव गोजाम बिधान सभा मोखानिफ्राय जागायो आरो रसनपुजों हाबलानानै एफेक्स बैंक पइन्टनि साखाथियाव जोबथाहैयो।

# भारतनि मुंदांखा स्कुवाश गेलेगिरि सौरभआ आजिरा फोसावदों

**गोदान दिल्ली, 24 एप्रिल:** भारतनि जाफुंसार हौवा स्कुवाश गेलेगिरि सौरभ घषालआ प्रफेसनेल गेलेनायनिफ्राय आजिरा फोसावबाय। नाथाय बिथाड फेगौ माखासे समसिम माखासे इभेन्टफोरव भारतनि जानानै बाहागो लागोन। प्रफेसनेल सार्किटआव 22 बोसोरसिम गेलेनाय घषालआ इन्सियन आरो हंजौ एसियान गेम्सआव हान्जायारि इभेन्टआव गंनै सनानि मेडेल देरहानायनि अनगायैबो कमनवेल्थ



गेम्सआव गंथाम सनानि मेडेल देरहाखांबाय। बिथाडा ग्लासग'आव जालानाय वर्ल्ड


घषालआ इन्सियनआव पस्टनि गेजेरजों गावनि आजिराखौ फोसावदों। गावनि 22 बोसोर केरियारनि समाव वर्ल्ड टुर लेभेलआव गावनि गोबां मान मोनबोनायखौ फोरमायनानै गावनि केरियारनि समाव बेबायदि गेलेनायखौ सिमाडवबो सानाखैमोन होन्ना फोरमायो। मुलुगनाडे गावनि हान्थिनाय समाव हादतनि जानानै गेलेनो मोन्नायखौ बिथाड गोगानाय फोरमायो। लोगोसे बे गेलेमुनि फोथायव

थानाय माखासे बोसोरनिफ्राय गावनि नोजोरथि आरो थांखि लाबोनायजों जोबनायाव गोब्राव थासारिजों आजिरानि थांखि लानानायखौ फोरमायो। कलकातायाव जोनोम मोन्नाय घषालआ मुलुगनि टप-10 फारियाव सौहैनाय सासेल' भारतीय प्रफेसनेल स्कुवाश गेलेगिरि जानानै दड। बिथाड थानाय 2019 नि एप्रिल दानआव गावनि केरियारनि साबसिन रेंकिंग मोन्दोंमोन आरो बे रेंकिंगखौ 6 दानसिम हमाथाना लाखिदोंमोन। बिथाडा 2003 आव पिएसएआव डेव्युट

खालामनायनिफ्राय खेब 18 फाइनाल मेच गेलेनानै खेब 10 आव पिएसएनि बिमुं देरहाखांबाय घषालआ पिएसए टुरआव गेलेनाय गावनि खेब 511 मेचफोरनि गेजेराव खेब 281 मेचफोरव देरहादों। बिथानि मुडव खेब 13 नेसनेल बिमुं देरहानायनिबो रेकॉर्ड दड। जेराव बिथाडा जोबथा खेब 2020 आव बिमुं देरहादोंमोन।

# आमेरिकायाव पेस्टुराइज्ड गायखेरआव

**गोदान दिल्ली, 24 एप्रिल:** आमेरिकानि गोबां राइज्योनि गायखेर होग्रा मोसौफोरनाव गिबि खेबनि थाखाय बार्ड फ्लुनि एइस5एन1 स्ट्रेन मोननाय जादों। बे भाइरासआ गासै दर 8 राइज्योफोराव गोसारबाय। बे समाववो, फुड एन्ड ड्रग एडमिनिस्ट्रेशनआ थानाय मंगलबारखालि दाबि खालामदोंदि आमेरिकयाव पास्टुराइज्ड गायखेरनि माखासे



नमुनाफोराव बार्ड फ्लु जिउसा मोन्नाय जादों। गायखेरआ बाहायजाथावब्लाबो, बेखौ रोखा खालामनो थाखाय आन्जादिनि फिथाइखौ नेनाय जादों। एफडिएआ बुंदोंदि गायखेराव मोन्नाय जिउसाफोरा बायगिरिफोरनि थाखाय जेबो खैफोद गैया। एफडिएआ बुंदोंदि पास्टुराइज्ड गायखेरा मोनसे थि बिडुडव आरो मोनसे थि समाव गुदु खालामनानै खहा

गोनां बेकटोरिया आरो जिउसाफोरखौ फोथैयो। पजिटिभ सेम्पलफोरा

मानसिफोरनि थाखाय जिगानि हरखाब जाहोन नड। बेबादि इसार मोननाय जादोंदि

# बार्ड फ्लु जिउसा मोन्नो हादों

गायखेर होग्रा मोसौफोरनि गेजेराव बार्ड फ्लुनि गोसारनाया सोलिबाय थानो हागौ। इउएसडिएनि खारि बायदिव्ला, इडाह', निउ मैक्सिक', टेक्सस, साउथ डक'टा, कान्सास, मिचिगान, अहाय' आरो सा केर'लिनायाव नख'रआरि जुनारफोराव बार्ड फ्लुनि केस मोननाय जादों। एफडिएआ दावदैन टिका थुनाय आन्जादिनि गेजेरजों बार्ड

फ्लुनि मोजां मोनदांथिफोरखौ बिजिरगासिनो दं। फालांगियारि गायखेर आरो बार्ड फ्लुनि सायाव गोबां फरायसनायनि मोनदांथिखौ फेगौ माखासे सान एबा सपहफोराव फोसावनाय जागोन। दासिमबो मानसिफोरनि गेजेराव बार्ड फ्लु गोसारनायनि जेबो फोरमान गैयाब्लाबो, बुहुमनां सावसि आफादिनि गाहाय

बिगियानगिरि जेरेमो फरारआ थानाय सप्ताहयाव बुंदोंमोनिदि मानसिनिफ्राय मानसिनाव बार्ड फ्लु गोसारनायनि खैफोदआ बांगसिनो दं। बुहुमनां सावसि आफादा जानुवारि 2003 आरो 28 मार्च, 2024 मायथाइनि गेजेराव बार्ड फ्लु सन्देरनायनि 888 सुबुनि केस मोन्दोंमोन, जेराव 52 जौखोन्दो केसफोरा जिउ गोमानायमोन।

जिउ गोमानायमोन।

## ऋतुराज गायकवाड़आ गाज्रि रेकर्ड थिसन्दों

गोदान दिल्ली, 24 एप्रिल: चेन्नाइ सुपर किंग्स आरौ लक्ष्मी सुपर जाइन्टसनि गेजेराव गेलैनाय मेचआव चेन्नाइआ 6 उइकेटजों जेन्नादों। बे मेचआव जेन्नायनि उनाव सिएसकेनि हान्जाया पइन्टनि फारिलाइआवबो खहा जानादों। जेराव सिएसकेनि के प्टेन गायकवाड़आ सेन्सुरि लान लादोंमोन। नाथाय 2थि इनिंसआव लक्ष्मीन अलरगउन्डर मार्कास स्टइनिंसआ सेन्सुरि लाफिनानै गायकवाड़नि गोब्राब नाजानायाव दै लुना होफिन्दोंमोन। बे मेचआव गायकवाड़आ सेन्सुरि लानायनि जाउनावबो मोनसे गाज्रि रेकर्डआव मुं लाखिदों। बिथाड लक्ष्मीन हेंथायै 60 बलआव 108 राननि इनिंस गेलेदोंमोन।



बे समाव ऋतुराजआ 180 नि स्ट्राइक रेटजों बेटिआव खेब 12 ब्रै रान आरौ खेब 3 द' रान लादोंमोन। बे रानआ सोलिफु समाव ऋतुराज गायकवाड़नि गिबि सेन्सुरिआरौ बिथांनि आइपिएल केरियारनि नैथि सेन्सुरि रान लानायमोन। बिथाड बे मेचआव 56 बलआव गावनि सेन्सुरिखौ आबु खालामदोंब्लाबो हान्जाखौ जेन्नायनिफ्राय रैखाथि होनो

हायाखै। थामहिनबा गायकवाड़आ जेब्लानो सेन्सुरि लायो अब्लानो हान्जाया जेन्नादों। बिथांनि मुखव खेबनै आइपिएल सेन्सुरियावबो जेन्नायनि रेकर्ड थिसनबाय। जेराव खेबनैबो मेचखौ बिथांनि हान्जाया चेन्नाइनि हेंथायैनो जेन्नादों। बे बायदि जेन्नायजोंनो जेन्नानाय मेच फोरनि गेजेराव बांसिन सेन्सुरि लानायफोरनि फारियाव गायकवाड़नि मुख

2थिआव जायगा मोनो। बे फारियाव भिराट कहलिआ बयनिबो सिगांआव जायगा मोनो। जेराव बिथाड खेबथाम सेन्सुरि लानाय समाव हान्जाया खेबथामआवबो जेन्नादों। गायकवाड़आ बे मेचआव मिजिंथि बायदियै दिन्थिफुंदोंमोन। ऋतुराजनि इनिंसआव सिएसके आ माखासे मिजिंथि लादोंमोन। मानोना आइपिएलआव बिथाड सिएसकेनि जानांनै सोलिफु सिजनआव गिबियै सेन्सुरि लानाय के प्टेन जादोंमोन। बेनि सिगां बे रेकर्डआ एमएस धनीनि मुखव दडमोन, जेराव बिथाड केप्टेन महरै 84 राननि इनिंस गेलेदोंमोन।

## लाभलिना बरगहाड़आ अलिम्पिकनि थाखाय गावनि थियारिखौ रोखा खालामदों



गोदान दिल्ली, 24 एप्रिल: भारतनि टप आइजो बक्सर लाभलिना बरगहाड़आ गावनि मिथिगायारि लिरथायारि केटेगरियाव सोलायनायनि उनावबो 75 कि:ग्रा: लिरथायारि केटेगरियाव गावनि गोखौ थियारिखौ रोखा खालामदों। बिथाड पेरिस अलिम्पिकआव मेडेलनि थांखिजों गावनि दिन्थिफुंनो नाजागोनखौ फोरमायदों। आसामनि लाभलिनाया टकिय' अलिम्पिकआव मेडेल देरहानायनि उनाव माखासे गाज्रि थासारिजों समखौ बारहोनादों। मानोना बिथाड वलर्ड सेम्पियनसिप आरौ कमनवेलथ गोम्सनिफ्राय थाबैनो जायखारनांदोंमोन। लाभलिनाया

सिगां समाव 69 कि:ग्रा: केटेगरियाव सेलेन्ज खालामनो गोनांमोन। नाथाय अलिम्पिकनिफ्राय बे लिरथायारि केटेगरियाव बोखारनायनि उनाव 75 कि:ग्रा:याव गेलैनायखौ जागायनाडो। लाभलिनाया 2022 एसियान सेम्पियनसिप आरौ 2023 वलर्ड सेम्पियनसिपआव सनानि मेडेल देरहानायजों लोदोसे एसियान गोम्सआवबो शिलभार मेडेल देरहादोंमोन। लाभलिनाया खौरांगिरिनि सोंथियाव लिरथायाव सोलायनाय लाबोनायनि उनाव अभाअल गावनि मोजाडै सोलिनायखौ फोरमायो। अलिम्पिक केटेगरियाव वलर्ड सेम्पियनसिपनि मेडेल

देरहानायखौ मोनसे गिदिर जाहोन फोरमायनानै सिगांनि समाव 69 कि:ग्रा: केटेगरियाव थाखाय गावनि थियारि जानायखौ फोरमायो। नाथाय अलिम्पिकसिम सौहेनाय थांखिनि थाखाय गावनि लिरथाइ सोलायनांनयखौ रोखा खालामो। लाभलिनानि लिरथाया सरसनखायै 70-75 कि:ग्रा:नि गेजेराव थायो। बेनि थाखाय बिथाड टुर्नमेन्टनि सिगां गावनि लिरथाइ सुदायनायाव गोनांथिथार हाबा मावनांगोन। बादयनायनि थाखाय 75 कि:ग्रा: केटेगरियाव थानायनि थाखाय बिथाड गोब्राब हाबा मावनांगोन। 69 कि:ग्रा: केटेगरिनि रुजनायाव 75 केटेगरियाव थानायखौ बिथाड गोसलैसिन फोरमायदों। लन्डन अलिम्पिक गोम्स 2012 आव आइजोफोरनि बस्किं खौ सोफानायनि उनाव 75 कि:ग्रा: लिरथायारि केटेगरिया लान्थियै अलिम्पिक गोम्सआव बाहागो जाबोना दड। 26 बोसोर बैसोनि लाभलिनानि थाखाय पेरिस अलिम्पिकआ जर'खा जागोन। मानोना बिथाड बे लिरथायारि केटेगरियाव सिगांनिफ्रायनो गेलेबोनाय बादायारिफोरजों सेलेन्ज लानांगोन। 69 कि:ग्रा: केटेगरिखौ बिथाड जानगाराव लाखिबाय। मानोना बे केटेगरिया अलिम्पिकआव गोदानमोन। नाथाय 75 कि:ग्रा: केटेगरिया गोलाव समनिफ्रायनो दिनेसिमबो सोफाजानानै दड।

## आइएसएलनि फाइनालखौ लीग थाखोआव साबसिन दिन्थिफुंनय हान्जानि फोथाराव खुंनय जागोन



मुम्बाइ, 24 एप्रिल: इन्डियन सुपर लीग (आइएसएल) आ फैगौ 4 मेआव जानो गोनां 2023-24 सिजननि फाइनालखौ बे हान्जानि नख रारि फोथाराव गेलैनाय जागोन, जाय लीग थाखोआव साबसिन थाखोआव थानो हागोन। महन बागानआ 15 एप्रिलाव मोनसे रंजाथाव बादायलायनायाव मुम्बाइ सिटी एफसिखौ फेजेन्नानै लीग शीलडखौ देरहादोंमोन, जेराव एफसि गवाया थामथि जायगा आवग्रिनो हादोंमोन। कलकाता, मुम्बाइ आरौ गवाया आधिखालाव आइएसएल जोलुर बादायलायनायनि फाइनाल खुंनयनि बादायलायनायाव दं। थावनिखौ रोखा खालामखौनायनि उनाव बादायलायनाया रोखा जानायनि उनाव मेचनि थाखाय टिकेट फान्नाया जागायगोन। उरिथ्या एफसि आरौ एफसि गवाया गावसोरनि नकआउट मेचफोरखौ फारियै केरेला ब्लास्टर्स एफसि आरौ चेन्नाइ एफसिनि हेंथायै देरहादोंमोन आरौ आइएसएल 2023-24 सेमि फाइनालाव सौहेनो हादोंमोन। सेमि फाइनालनि जागायनाया 23 एप्रिलाव भुबनेश्वरआव मोहन बागान सुपर जाइन्ट आरौ उरिथ्या एफसिनि गेजेराव जागायबाय आरौ 24 एप्रिलाव मुम्बाइ सिटी एफसीआ गावसोरनि सेमीफाइनाल मेचनि गिबि लीगखौ गवायाव एफसि गवानि हेंथायै गेलेगोन।

## सेमिफाइनालनि गिबि लीगआव उरिथ्या एफसिआ महन बागान सुपर जाइन्टखौ फेजेन्दों



गोदान दिल्ली, 24 एप्रिल: उरिथ्या एफसिआ मंगलबाराव इन्डियन सुपर लीग (आइएसएल) जोलुरनि गिबि खोन्दीनि सेमिफाइनालाव महन बागान सुपर जाइन्टनि हेंथायै थामथि मिनिटआव गल सोनानै 2-1 जों देरहानो हादों। आइएसएलआव मोनगु मेचआव महन बागाननि हेंथायै बेयो उरिथ्यानि गिबि देरहानाय। मेचनि गासैबो गरथाम गलफोरा गिबि हाफआव फैदोंमोन। मनभिर सिंहआ एन्टनिय लपेज हाबासजों कच खालाम जानाय हान्जाखौ सिगां आवगायहोदोंमोन नाथाय कार्लस डेलगाड उरिथ्या (11थि मिनिट) आरौ रय कृष्णया (39थि मिनिट) गरसे गल सोनानै उरिथ्यानि देरहानायखौ थि खालामो। बे जोबथा खेबबै मेचनि नैथि लीगआ रबिबाराव कलकातानि सल्ट लेक स्टेडियमाव खुंजागोन।

## अलिम्पिक खथा मोन्नायनि उनाव भिनेशआ माखासे थांखिखौ रोखा खालामदों

गोदान दिल्ली, 24 एप्रिल: पेरिस अलिम्पिकनि थाखाय अलिम्पिक खथा आर्जिखानाय भारतनि आइजो रेस्तार भिनेश पोगातआ पेरिस गोम्सनि थियारिनि थाखाय 50 कि:ग्रा: लिरथायारि केटेगरियाव गावखौ लान्थियै लाखिलानायखौ गोखौ सेलेन्ज फोरमायदों। बिथाड एसियान अलिम्पिक क्वालिफायरआव मोजाडै दिन्थिफुंनानै लान्थियै 3थि खेव हादतनिसिम अलिम्पिक खथा लाबोदों। भारतीय रेसलिं फेडरेशननि बारग' आफादगिरि बृजभुवन चरणसिनि हेंथायै धर्माआव मैखौमै बाहागो लानाय भिनेशआ 1 खावसे बोसोरसिम रुटिन बायदियै प्रेक्टिस



खालामनाय आरौ गेलैनायनिफ्राय जानगाराव थानांदोंमोन। बिथांजों लोगोसे अलिम्पिकनि थाखाय अन्तिम पंचालआवो 53 कि:ग्रा: लिरथायारि केटेगरियाव

अलिम्पिक खथा आरजिबाय। भिनेशआ गोलाव समनिफ्रायनो 50 कि:ग्रा: लिरथायारि केटेगरियाव सेलेन्ज होनो गोब्राब नाजाबोदोंमोन। मानोना बिथाड गावनि लिरथायारि केटेगरिखौ सुद्रायनायनि अनगायै अलिम्पिक आव बाहागो जानायनि मोनबो राहा मोनाखै मोन। क्वालिफाइ जानायनि उनाव बिथाड गावनि लिरथायखौ बेलेन्सआव लाखिलानाय थांखिखौ गावनि जर'खा नोजोर फोरमायदों। बिथाड गोलाव समनिफ्रायनो गावनि लिरथाइखौ खमायनायनि थाखाय हाबा मावनायखौ फोरमायनानै जानो गोनां अलिम्पिक गोम्स सिमाव लाखिलानायखौ गोब्राब सेलेन्ज फोरमायदों। लोगोसे गावनि लिरथाया गोखैयैनो बारयफिनो होन्ना फोरमायो। सिगां फासं बिथाड गावनि गोसोजों लिरथाय सोलायनांनय थासारिखौ फोरमायनानै हादतनि थाखाय

50 कि:ग्रा: लिरथायारि केटेगरियाव फिट जानो थाखाय गोब्राब नाजानायखौ फोरमायो। लोगोसे बे थांखिजोंनो अलिम्पिकसिम गावनि सौहेनो मोनसिगोनखौ गोजोन्नाय फोरमायो। मख'नो गोनांदि, भिनेशआ बेनि सिगां रिय' आरौ टकिय' अलिम्पिक आव गोसो बायनांदोंमोन। नाथाय बे बायदि थासारियावबो अलिम्पिक मेडेल देरहानायनि सिमांखौ नागाराखै मोन। भिनेशआ दाबि खालामनाय बायदिब्ला, महामारि करनानि समाव खहा जानांनयनि उनावबो फेडरेशननि बारग' आफादगिरिनि हेंथायै धर्मा होनायावबो गोबां समखौ एरैनो बारहोनांदोंमोन। बिथाड आधिखालाव अलिम्पिक मेडेलनि थाखाय गावनि गोखौ नोजोरथिखौ फोरमायो। लोगोसे बे सिमांजोंनो थानाय बोसोरसिनिफ्राय गावनि नाजाबोनायखौ मिबथि होयो।

## सुभमन गिलआ दिल्ली केपिटेलसनि हेंथायै जर'खा मेच गेलेगोन

गोदान दिल्ली, 24 एप्रिल: सोलिफु आइपिएलआव दिल्ली केपिटेलसनि हान्जाया गुजराट टाइटान्सनि हान्जाजों गोखौ सेलेन्ज लाखिगोन। बे मोननै हान्जानि गेजेराव मेचआ दिल्लीनि अरुन जेतलि क्रिकेट स्टेडियमाव खुंजागोन। बे मेचआव गुजराट टाइटान्सनि केप्टेन सुभमन गिलआ मोनसे जर'खा रेकर्डआव गावनि मुं लाखिगोननि थियारि जाबाय। गिलआ सोलिफु समाव आइपिएलनि साबसिन गेलेगिरिफोरनि गेजेराव जायगा मोनानै दड। बिथांनि केप्टेनआव गुजराटनि हान्जाया मिजिंथि बायदि दिन्थिफुंनो हायाखैब्लाबो गिलनि दिन्थिफुंनया अन्साइगिरिफोरनि गोसोखौ देरहादों। दिल्लीनि हेंथायै जानो गोनां मेचआव बिथाड गावनि 100 थि आइपिएल मेच गेलेगोन। बे मेच गेलेनायजोंनो गिलआ आइपिएलआव खेब 100 मेच आबु खालामनाय 65 थि गेलेगिरि जागोन। गुबुन फासं गिलआ गावनि बे मेचआव गोखौडै दिन्थिफुंनानै जर'खा रेकर्ड थिसन्नो नाजागोन। लोगोसे हान्जाखौ बे मेचनिफ्राय आरौबाव आवगायहोनो नाजागोन। सोलिफु सिजनआव गेलेनाय खेब 8 मेचआव गिलनि हान्जाया खेब ब्रै मेचआव देरहादोंब्लाबो गुबुन खेब ब्रैआव जेन्नांबाय। गिलआ आइपिएलनि सोलिफु 17थि सिजनआव गेलेनाय खेब 8



मेचआव 42.57 जौखोन्दो आरौ 146.80 स्ट्राइक रेटजों 298 रान लाबाय। बे समाव गिलनि साबसिन स्करआ 89 रान जानानै दड, जेराव बे रानखौ बिथाड पान्जाब किं सनि हेंथायै लाखिदोंमोन। गिलआ दासिमाव गेलैनाय आइपिएलआव बिथाड 3 खेब सेन्सुरि आरौ खेब 20 हाफ सेन्सुरि लाखांबाय।

लाबाय। बे समाव बिथांनि जौखोन्दोआ 38.12 आरौ स्ट्राइक रेटआ 135.20 आव थाहैयो। जायनि फारियाव गिलनि साबसिन स्करआ 129 जानानै दड। दासिमाव गेलैनाय आइपिएलआव बिथाड 3 खेब सेन्सुरि आरौ खेब 20 हाफ सेन्सुरि लाखांबाय।





### मुलुगनां मेलेरिया सान

25 एप्रिल, 2024

साबसिन मुलुगनि थाखाय मेलेरियानि हेंथायै जुजिनायखौ गोखौसिन खालामनाय

**लैखोनफोर**

- लोमजानाय
- खर' गिदिनाय आरौ गोबानाय
- खर' सनाय
- गोलोमफ्रुनाय
- लोखां मोनाय, अलसिया आरौ गोजोन गैयै जानाय

**होबथानायनि राहाफोर**

- थाम्फनि जोले बांनयखौ होबथानो थाखाय नोथानि सोरिगिदि थाबथानानै थानाय दैफोरखौ बोखारसनाय।
- बिसिनायाव मसारि आरौ बैसोजों खाब जानाय थाम्फ होखारा जेरै इलेक्ट्रिक मेड, कइलफोर बाहायनाय।
- आखाइ गोलाव गस्ला आरौ लंपेन्ट गानानै गावखौनो थाम्फ अरनायनिफ्राय रैखा खालाम।
- मेलेरियानि लैखोनफोर नुजाथियोब्ला, थाबैनो देहानि आन्जाड खालामजा आरौ फाहामथाय ला।

मेलेरिया बिबानगिरिफोरनि फोनांजाबनायनि फोरमायथि		
<p><b>बावसा आरौ तामुलपूर</b> मुक्ति प्रदिप कुमार हाली 9859134661</p>	<p><b>डिमा हासाव</b> डा: पि के गन्धु 9435151721</p>	<p><b>लखिमपूर</b> डा: धिरन शइकिया 9678950371</p>
<p><b>बरपेटा आरौ बजालि</b> मुक्तिम ज्यतिरुपा दास 9957420463</p>	<p><b>गवालपारा</b> मुक्ति निरन्जन नाथ 86381102355</p>	<p><b>माजुलि</b> डा: दिगन दत्त 9435084804</p>
<p><b>बिश्नवाथ</b> डा: इलिजा डेका 943538153</p>	<p><b>गलाघाट</b> डा: भरत फुकन 8011470777</p>	<p><b>मरिगाव</b> मुक्तिमा सुप्रिया दास 8011329900</p>
<p><b>बडगाव</b> डा: इमदादुल खान 7002822066</p>	<p><b>हाइलाकान्दि</b> डा: अलकानन्द नाथ 9435377996</p>	<p><b>नगाव</b> मुक्तिमा सान्ता शर्मा 9101291916</p>
<p><b>काचार</b> डा: एम आइ बरभुजा 9435461298</p>	<p><b>हंजाइ</b> मुक्ति नन्द' राम चौधुरी 9707029766</p>	<p><b>नलबारी</b> मुक्तिमा नबनिता दास 9954293021</p>
<p><b>चराइदेउ</b> डा: द्वारिका साहु 9435967046</p>	<p><b>जरहात</b> महम्मद आवबदुर रहिम 9401092350</p>	<p><b>सिबसागर</b> मुक्तिमा स्वागत दत्त 9854034697</p>
<p><b>चिरां</b> मुक्ति रबिन चन्द्र बर' 9435540428</p>	<p><b>कामरुप</b> मुक्ति आर राजकुमार 9435146623</p>	<p><b>सनितपुर</b> थरइना काकिलि दत्त 9954663064</p>
<p><b>दरं</b> मुक्ति श्याम प्रसाद बरुवा 9365234334</p>	<p><b>कामरुप मेड'</b> मुक्ति मुदुल तालुकदार 7086641463</p>	<p><b>खोला सालमाया</b> डा: एस एल नाग 8876802282</p>
<p><b>थेमाचि</b> डा: के के कामान 9957821651</p>	<p><b>कार्बि आंल</b> डा: समसिं सिंनार 7002805248</p>	<p><b>तिनिस्कुिया</b> थरइना उन्वाला बरुवा 9954594576</p>
<p><b>धुबुरि</b> डा: अरुण कुमार चौधुरी 9435129614</p>	<p><b>करिमगन्ज</b> डा: एम सुत्रधर 6001587034</p>	<p><b>उदालगिरि</b> मुक्ति जितिन राभा 7002267844</p>
<p><b>डिब्रुगड़</b> डा: नन्देश्वर देउरि 9435487749</p>	<p><b>कक्राझार</b> डा: मन्तु श्याम 8638809309</p>	<p><b>सोनाब कार्बि आंल</b> डा: मन्तु श्याम 8011211937</p>

गासैहो देहा सिबिथाय मिरुफोराव मेलेरियानि फाहाथायखौ बेसेन होया लासे मोनो हायो। जायखि जाया मददनि थाखाय आसा/एएनएमजों जगाजग खालाम

देहानि सोमोन्दै सोंथिनि थाखाय एम्बुलेन्स सिबिथायनि थाखाय

104 आव कल खालाम 108 आव कल खालाम